


平彝縣志



平彝縣志序

平彝地當滇黔之交為六詔鎖鑰明仿

寓兵於農之法建衛鎮撫諸蠻我

皇上德隆姚姒治臻雍熙於御極之二十

六年丁卯廢歸郡縣至乙亥冬

督撫兩憲請以平彝故衛合亦佐故邑並

析霑益州之久安長治二里立為縣

制曰可丙子姑蘇趙君宗武來涖縣事未

幾去越戊寅中宜奉

平彝縣志

卷之序

命承乏其地邑當新造一切經畫咸待初

始爰為之清賦稅均徭役繕城池振學

校凡三歷寒暑始就其緒顧其間因革

廢興不無異同苟不有以志之使後之

人莫可攷據謂非中宜之責歟雖然志

之難也所從來遠矣事不核其實言不

得其據文無可攷獻無可徵其足志乎

哉於是廣為之蒐羅慎為之采擇凡殘

篇斷簡漫滅而畧可識者不憚數百里

必求致之一日獲平彝衛弁襲職冊數
十頁煙翳塵封蠹蝕破缺多方補綴決
旬而差可摸索文字衣手為之屢黑也
父老遺民散處窮鄉僻壤中有能知識
往事者時引前席詢其端委究其幽隱
又漁獵典故事涉邑治者囊括而記錄
之因得舉其綱列其凡條分縷晰寧簡
弗濫寧嚴弗畧經年而稿始脫共為志
十卷且以地在荒遠實多未信載諸行

平彝縣志

卷之

序

二

麓徧訪南中舊志而質之參以廿一史
通鑑綱目纂要明一統志諸書遷延歲
月異鮮紕謬所恨覩記不博終多闕疑
不得改正畫一難免固陋之譏然中宜
之於平彝之志也一字一句莫不手經
數裁校讐釋義迄無虛日是亦殫厥苦
心矣夫宣揚

聖化而垂於無窮者有司之職也裒輯典
章以備一邑之徵者學士大夫之事也

中宜自愧弗文無所取重念社稷人民
志之所關匪細語曰若作室家勤其垣
墉辟彼繪事先為素地至彬郁可觀不
能不有望於後之博雅君子云時
大清康熙四十四年歲次乙酉孟冬雲南
曲靖軍民府平彝縣知縣加一級山陰
任中宜撰

平彝縣志目錄

圖說

縣治圖

縣署圖

學宮圖

學署圖

卷之一

天文志

星野

平彝縣志

卷之

目錄

一

氣候

災祥

卷之二

沿革志

沿革

建置

卷之三

地理志

疆域

形勢

險要

山川

關隘

風俗

種人附

卷之四

建設志

官署

城池

平彝縣志

卷之

目錄

二

提閘

倉庫

驛堡

哨

鋪

橋梁

旅途

坊表

古蹟

冢墓

寺觀

景致

卷之五

賦役志

里甲

戶口

田賦

鹽法

平彝縣志

卷之

目錄

三

課程

經費

物產

食貨

市肆

卷之六

官師志

官制

縣秩

驛丞

衛秩

兵防

知縣

教諭

訓導

典史

名宦

卷之七

平彝縣志

卷之

目錄

四

學校志

文廟

學署

祭器

陳設圖

祭儀

祝文附

樂章

選舉

義學

卷之八

典禮志

祀典

祀壇

祝文附

卷之九

人物志

鄉賢

孝義

列女

平彝縣志

卷之

目錄

五

土司

卷之十

藝文志

御製

奏疏

記

引

議

銘

牒

詩

補遺

平彝縣志

卷之

目錄

六

纂修平彝縣志姓氏

纂輯

曲靖軍民府平彝縣知縣加一級 任中宜

參閱

翰林院檢討新興 管灝

貴州右旰府知府海寧 陳奕禧

曲靖府南寧縣儒學訓導建水葉

雲南已卯科舉人馬龍 查奉璋

平彝縣志

卷之

姓氏

一

雲南壬午科舉人新興 朱紘紘

雲南已酉科舉人河西 常文起

雲南戊子科舉人南寧 李如玉

校閱

雲南戊子科舉人平彝 王憲

曲靖府平彝縣貢生 陳王前

曲靖府馬龍州歲貢 彭起雲

雲南府昆陽州學廩生 王來賓

江府新興州學廩生 李文潔

曲靖府尋甸州學廩生

余其祥

曲靖府馬龍州學廩生

杜兆鵬

新興寄雲南府學廩生

陳嗣虞

設字

浙江紹興府山陰縣監生

任振芳

平彝縣志

卷之

姓氏

二

凡例

一 平彝新邑舊無志本稽之故衛與亦佐羅山故縣亦無所見用是括新舊通志廿一史通鑑綱目纂要明一統志南詔野史諸書而輯之

一作志自當先正地理地理正而後古今人物事變乃可由之而徵如平彝故衛亦佐故縣宋以前未建都邑莫可攷據今以東之普安西之曲靖南之羅平北之霑益按之知在古為夜郎地在漢為牂牁郡宛溫縣地在蜀漢為興古郡地

平彝縣志

卷之

凡例

一

在唐為盤州地元始建羅山縣於平彝鄉置亦佐縣於夜苴部明設平彝衛於故羅山縣治平彝鄉之名見於元史其來舊矣

一 平彝衛右所原曲靖衛之中右所也散布南寧霑益馬龍尋甸之間海蠻窟本越州陸涼漢晉並名平彝平彝雖一下縣而地宇幾徧郡治故凡事涉曲靖一郡之大者不得不載之沿革

一 志者記也所以記往事垂來茲也縣志應詳於郡志郡志應詳於通志今郡邑皆無志本苟徒

循之通志似太簡矣因博求境內文物而載之
難免掛漏之譏

一條目悉倣雲南通志次其甲乙共為十卷荒誕
無稽者闕之

一 叙事亦以新舊通志為本其采自他書者註明
所自於其下示信也

一 漢唐元明及

本朝開滇之事乃王化所由始而蒙趙楊段之竊據
復通聲教咸志之昭治亂也

平彝縣志

卷之二

凡例

二

一 事雖重大非關於平邑者不敢及

一 災祥附之天文敬天命也

一 官署橋梁由於營造旅途明其所由咸入建設
志中

一 名宦出於官師因入官師之末自警以警將來
也

一 流寓隱逸方技仙釋舊無所聞寧闕以俟

一 牂牁莊蹻等字訛傳者久畧疏明之

一 志書鏤板盡出微俸藏諸學宮庶有典守

圖說

平彝亦佐地處普安羅平曲靖霑益之間土墟山砮
尚書音義曰墟疏也顏氏曰玄而疏者謂之墟建治最後元興始立羅山縣
於平彝鄉設亦佐縣于夜苴部明洪武二十三年置
平彝衛於羅山縣故址正德二年析曲靖衛之中右
所予平彝衛為右所以衛原部為左所指揮使與僉
事領之

皇

清順治十五年克滇仍名為衛罷指揮使等官改衛
守備千總經歷教授康熙二十六年裁衛徙曲靖府
平彝縣志

卷之

圖說

一

朝

通判駐其城三十四年合亦佐故縣為平彝縣名左
所為民安里右所為物阜里其余家堡係明沐氏勲
莊我
闢滇之初吳三桂鎮守雲南乞而有之附霑益州轄
寄莊原霑益州氏地並以密邇平城咸附民安里至
久安長治二里舊名海地洪武二十八年入流屬霑
益州康熙五年編甲以其地錯於衛治亦析屬焉亦
佐故名夜苴部元即其地建縣使沙蠻世領之明洪
武二十八年沙蠻以罪降縣丞地入流設流官知縣

典史各一人天啟四年改築城於烏龍箐崇禎十三年土縣丞沙運泰死無嗣削襲康熙八年亦佐以小縣例裁附羅平州十三年吳逆偽設縣二十年逆平仍裁歸羅平三十四年合平彝故衛為平彝縣名上五營為慕風里下五營為向義里其平亦之交有霑益之安土羊腸三十六營橫亘於中壤地不能相接因時為患往往梗途頗稱未便建制之初計不及此惜哉地為滇之喉舌三面環彝中處安海巢窰比隣苗獍甚屬難治者也况平久安長治慕風向義四里平彝縣志

卷之

圖說

二


獠多漢少地盡官土按耕入賦民仍往古代田之風隨畜遷徙視守宰之拊循為去就者往往有之招携懷遠端在後之君子至民安物阜咸屬軍丁屯產為家依戀故土酷類中原傳曰有恆產者有恆心其是之謂乎


山陰任中宜識



州界三十五里



東南至普州界






縣治圖







平彝縣志卷之一



知平彝縣事於越任中宜纂輯

男 振芳校

天文志

星野 災祥

氣候

周禮測景求中分星辨國占驗二十八宿之躔度
二曜五緯之次舍知人理應乎天文凡有國者靡
不敬其事而飭有司以精密求之也若昔史遷班
固范曄李淳風之倫究極微渺世莫能尚猶以滇
之星野各持一說自僧一行定屬井鬼而何承天
郭守敬劉基皆是其術而守之無或有異其說者
矣氣候災祥咸著厥效因附書焉作天文志

星野

秦分雍州鶉首之次分屬井鬼周合梁於雍滇在
梁州之域漢武開西南彝置益州滇居益州之南
宋元明曆書與
國朝分度曲靖雲南府入井二十一度平彝縣隸曲
靖府應在井二十一度內

星野辨

平彝縣志

卷之一

天文

一

南方朱鳥七宿師曠禽經曰赤鳳謂之鶉井首東

井八星行列河中之南門興鬼四星冊方似木櫃張

央白者積屍氣於分為秦於野為梁雍二州史記天官書

曰漢司馬遷著甯觶參益州東井興鬼雍州前漢地理

志曰漢班固著秦地東井興鬼之分野其界自弘農故

風馮翊北地上郡西河安定天水隴西南有巴蜀

廣漢犍為武都西有金城武威威張掖酒泉敦煌

前漢天文曰漢元年十月五星聚於東井西南有

此漢王入秦受命東井為秦之地明效也

平彛縣志 卷之一 天文 二

參之分野也其界自高陵以東盡河東河內南有

陳留及汝南之台陵瀍疆新汲西華

十二次度數

晉天文志曰唐李淳風著十二次班固取三統曆十二

次配十二野又有費直周易蔡邕月令章句所言

頗有先後魏太史令陳卓更言郡國所入宿度附

而次之

自畢十二度至東井十五度為實沈於辰在申魏

之分野屬益州費直起畢九度蔡邕起畢六度

自東井十六度至柳八度為鶉首於辰在未秦之

分野屬雍州費直起井十二度
蔡邕起井十度

州郡躔次

晉天文志曰陳卓范蠡鬼谷子張良諸葛亮譙周
京房張衡李淳風並云

甯參魏益州

廣漢入甯一度 越雋入甯三度

蜀郡入參一度 犍為入參三度

牂牁入參五度 巴郡入參八度

漢中入參九度 益州入參七度

平彛縣志 卷之一 天文 三

東井與鬼秦雍州

雲中入東井一度 定襄入東井八度

鴈門入東井十六度 代郡入東井二十八度

太原入東井二十九度

上黨入與鬼二度

按班固皇甫謐費直蔡邕唐浮圖一行宋太史何
承天元太史郭守敬明誠意伯劉基暨

國朝曆書皆云

秦地東井與鬼之分野其西南有牂牁越雋益州

西安入井一度

成都入井十度

曲靖雲南入井二十一度

臨安元江入井二十二度

廣西激江入井二十三度

楚雄武定入井二十四度

順寧景東入井二十五度

大理永昌入井二十六度

麗江鶴慶入井二十七度

貴陽入井二十八度

石阡入鬼一度

舊通志李元陽曰雲南幅員最廣其在西北者皆屬井鬼其在東南者皆屬觜參又謂楊士雲精於象緯嘗曰金滄洱海二道應合雍屬井鬼安普臨

平彝縣志

卷之一

天文

四

元二道應合蜀屬觜參而新通志則曰蜀在秦西南則近參之井即蜀分野滇又在蜀之南則近鬼之井即滇分野是滇在井鬼之間故舉訟紛訟迄無定說備載之以俟精於天官者裁焉

金滄洱海二道轄迤

西郡縣臨元安普二道轄迤東郡縣

氣候

平彝邊黔氣候與黔近似多雨春夏風高視滇微輕暑如五月寒如十月雖有薄暑微炎見雨輒涼嚴霜密雪一霽即溫自曲靖而西漸入溫和之鄉

月令五氣之中位宜在於西南滇處西南於後天卦位為坤得土中氣故氣候異於他省

災祥

嘉靖十六年地震

萬曆四十八年二月己卯有雲氣黃紅漸變黑霧晝晦如夜大風雨如注平彝折木無數哨兵舍吹去四里

康熙三十三年大水行人以舟渡

康熙三十四年旱

平彝縣志

卷之一

天文

五

康熙三十五年大水後旱民饑

康熙三十六年旱民饑

康熙三十八年五月響水舖災歲大稔斗米三分

康熙三十九年大稔

康熙四十一年虎噬人

康熙四十六年二月丙戌城東闕災四月丙申大水淹死十六人十二月甲午石岑舖災

平彝縣志卷之二

知平彝縣事於越任中宜纂輯

男 振芳校

沿革志 沿革 建置

漢武平南彝置牂牁郡夜郎地盡入職方雖建置有紀而豪酋仍世領之其後蜀晉隋唐以及元明漸摩既久物華人英彷彿中夏已非復前日之椎髻比矣至我

朝聲教覃敷文武為憲視前代大有加焉則奠安之平彝縣志 沿革 卷之二 一

功竊據之禍因革之詳隆替之跡墳籍具在其可勿志乎作沿革建置志

沿革大事考

夏

禹以天下為九州華陽黑水惟梁州滇在梁州之域

縣治隸焉 師古日地有滇池因為名也後漢書曰水源深廣未更淺狹有似倒流故謂之

滇音顛

殷

制如夏

周

合梁於雍又為雍州之地楚頃襄王使將軍莊躒音脚

將兵畧定巴黔以西明一統志曰巴黔今四川重慶府屬地至滇池

以兵威定屬楚欲歸報會秦擊奪楚巴黔中郡道

塞遂留王滇

秦

使常頰畧通五尺道諸比國頗置吏史質實曰牂牁秦為夜郎且蘭

二縣地頰音遏

漢

平彝縣志 卷之二 沿革

武帝建元六年大行王恢擊東越因兵威使番陽令

唐蒙風曉南越番音婆南越食蒙蜀蒟醬食讀曰

舉蒙問所從來曰道西北牂牁師古曰道由也異物志曰牂牁繫船

棧也漢書曰楚頃襄王遣將莊躒從沅水伐夜郎軍至且蘭板船于岸而步戰改其名為牂牁牂牁

地多雨潦俗好巫鬼禁忌寡事畜生又無蠶桑故其郡最貧楊慎曰今貴州地明一統志曰古牂牁

郡城在思州府西史質實曰唐貞觀初分牂牁郡北界置郎州尋改播州今遵義府是唐南蠻傳曰

昆明東九百里郎牂牁國蒙歸至長安問蜀賈人牂音臧牁音哥棧音亦

賈音賈人曰獨蜀出蒟醬多持竊出市夜郎漢書

郎者初有女子浣于澗水有三節大竹流入足間聞其中有號聲剖竹視之得一男兒歸而養之及

長有才武自立為夜郎侯以竹為姓荀悅曰夜郎
捷為屬國也正義曰今瀘州南大江南崖協州曲
州本夜郎國史實曰夜郎縣故址在遵義府
北五十五里按夜郎今遵義貴陽曲靖之間夜

郎者臨牂牁江江足以行舡南越以財物役屬夜

郎蒙乃上書曰以漢之強巴蜀之饒通夜郎道為

置吏易其上許之拜蒙為中郎將從巴蜀牂牁入

史實實曰牂牁在雅州榮經縣東見夜郎侯多同

師古曰多同喻以威德約為置吏乃以為捷為郡

捷為唐改戎州宋發巴蜀卒治道自焚道焚道捷

音奘指牂牁江蜀人司馬相如亦言西彝邛笮可

平彝縣志 卷之二 沿革

置郡 正義曰邛在戎州西南笮在戎州西北華陽

拜相如為中郎將往喻通西南彝道除邊關索隱

邊關謂通西至沫若水索隱曰沫音末史實實曰

若水在雅州邛崃縣西南一名瀘水水經南至牂

牁置一都尉十餘縣屬蜀既而罷西彝獨置南彝

兩縣一都尉稍令捷為自保就師古曰令自保

元鼎六年南越相呂嘉反上使馳義侯因捷為發南

彝兵且蘭君恐遠行史集覽曰且蘭南彝種名一

因名縣明一統志曰且蘭故城在雲南城北十餘

與其取反隔滇道中郎將郭昌衛廣誅且蘭遂平

南彝為牂牁郡夜郎侯入朝上以為夜郎王以邛

都為越雋郡括地志云越雋今邛州是雋音髓雋都為沈黎郡括

志云沈黎今黎州其在滇西者為越雋郡之遂火

是沈音持林反華陽國志曰有繩青蛉前漢書曰臨漢滯池比應

水東至樊道入汪也明一統志曰今定祚三縣後漢書曰縣在郡西

大明元改通安州屬麗江府今廢在滇東者為牂牁郡之且蘭前漢

沅水東南至益陽入江應劭曰故且蘭侯邑平彝平彝之名始此明一

地彝縣漏卧應劭曰故甸町西縣地道記曰甸町有

平彝縣志

卷之二

沿革

四

八鬱應幼曰故甸町國令通海縣北有故城師古曰音幼徒

元封二年復使郭昌衛廣發巴蜀兵擊滅勞浸靡莫

索隱曰勞浸靡莫西南彝二國名與滇同姓括地志云勞浸在蜀南靡莫在姚州北以兵臨

滇滇王舉國降後漢書曰滇王請置吏入朝以其

地為益州郡春秋元命包云益之為言隘也言其

以名賜滇王王印領二十四縣西南君長以百數

獨夜郎滇受王印前漢書曰益州郡故滇王國領

十七縣縣治為牂牁郡宛温縣地南中志曰宛温

毒氣明一統志曰曲靖府東南二百七十里羅

雄州漢為牂牁郡宛温縣師古曰宛音於元反

蜀漢

後主建興三年三月丞相亮南征誅雍闓擒孟獲益

州永昌牂牁越嶲四郡平即其渠帥龍佑那為首

長賜姓張氏改益州郡為建寧郡晉書曰建寧郡治味孟康曰味

音味劉宋書曰滇王國今雲南府是分建寧永昌地置雲南郡分建

寧牂牁地置與古郡元史曰治律高縣劉宋書曰治漏

卧縣今南寧縣是并越嶲前漢書曰朱提應劭曰朱提山

朱提音殊題今叙州為七郡宛温屬興古漢武平

有朱提山地產銀益州郡也非州也益州刺史治成都兼理滇史

平彝縣志

卷之二

沿革

五

晉

武帝泰始七年以益州地廣分益州南境之建寧興

古雲南交州之永昌四郡為寧州置刺史縣治隸

興古文獻通攷曰寧州理雲南即今郡劉宋地理志曰桓温改宛温為宛暖

太康三年罷寧州入益州立南彝校尉以護之

惠帝太安二年復立寧州分建寧以西七縣別立益

州郡見晉書

懷帝永嘉二年改益州郡曰晉寧分牂牁立平彝夜

郎二郡見晉書分牂牁郡之斄半為平彝郡夜郎以南為夜郎郡斄音閉

五年寧州刺史王遜分興古郡之東立西平郡見劉宋書

愍帝建興四年平彝太守雷炤殺南廣太守孟桓帥

二郡叛降李雄雄巴西氏李特第三子叛據西南雄卒傳子襲位晉穆帝永和二年

桓温滅之

明帝太寧二年梁水太守爨亮益州太守李暹以興

古郡叛降李雄

三年五月滇南蠻校尉征南大將軍陶侃表零陵太

守尹奉為寧州刺史殺爨亮降李暹

成帝咸康二年十月廣州刺史鄧嶽遣督護王隨擊

平彝縣志 沿革 卷之二 六

夜郎新昌太守陶協擊興古並克之

梁

簡文帝大寶元年寧州刺史徐文盛入討侯景于貝

磯爨瓚遂據牂牁興古各郡朝廷不得已授瓚寧

州刺史瓚梁武帝南寧刺史瓚死子震翫分統其眾爨氏以

姓自為君長爨龍顏仕宋為邛都侯爨雲仕魏為同樂侯

隋

文帝開皇十五年南寧羌爨翫遣使朝貢以為昆州

刺史命韋世冲以兵戍之置恭州唐書曰協州隋書

曰大業初廢恭州協州入捷為郡開邊縣唐書曰武德元年復置縣三東安西安胡津元史曰興古郡隋初為昆州唐書曰本隋置隋亂廢武德元年恭州協州開南中復置縣四益寧晉寧安寧秦城有滇池在晉寧明一未幾叛

十七年遣太平公史萬歲擊南寧羗爨翫平之

十八年爨翫復叛史萬歲以罪除名震翫懼討入朝

上誅之諸子沒為奴分寧州為南寧西寧二州各

設刺史于雋州戎州皆設都督唐南蠻傳曰諸蠻各自為酋長如建

寧以東則有東爨烏蠻西爨白蠻又其東有東謝蠻南謝蠻東謝蠻之南有西趙皆牂牁與古之間

唐

平彝縣志 沿革

高祖武德四年置西平州疑即晉西平郡也初高祖釋爨弘達歸為昆州刺史

諸彝內附因設郡縣唐書曰唐興初未暇于四裔即其部落列州郡為都督刺史皆世襲雖貢賦版

籍不上戶部然聲教所暨皆邊州都督都護所領又唐書曰西平州故興古郡地其南交州縣三附

唐平彝盤水元史曰西平州在南寧州之東北據南盤江北盤江之間隸戎州都督明一統志曰霑

益州唐初於此置西平州滇通志古蹟西平州故城在霑益州東二里

七年命韋仁壽檢校南寧州都督寄治越雋將兵循

西洱河開地置七州十五縣各官其豪帥改恭州

曰曲州唐書曰隋置隋亂廢武德元年開南中復

建唐興朱提本安悅州唐書曰縣六甘泉青實靖上武德七年更名

州 唐書曰析協州置縣二靖川分協○南寧州都督治昆州韋仁壽受命將兵五百人周歷數千里蠻彝望風歸附仁壽還朝請徙治南寧州道卒以建寧首長張樂進求為首領大將軍貞觀初龔弘達死以龔歸王代仁壽為南寧州都督居石城明一統志曰石城在曲靖府北二十里滇國一統志曰南寧州本漢益州郡味縣地唐初於此置南寧州後沒於蠻元初置千戶所隸摩彌部萬戶至元中陞南寧州後改為南寧縣本朝因之為曲靖軍民府治所仍屬焉通志曰故南寧縣址在府城西十五里三岔平川中唐書曰南寧州漢夜郎地武德元年開南中因故同樂縣置治味四年置總管府五年僑治益州八年復治味更名郎州貞觀元年罷都督開元五年復故名天寶未沒於蠻唐末復置於清溪鎮去黔州二南九日○西洱河在大理府東即古之葉榆河也一名彌河○曲靖人曰曲靖府城是唐曲靖州城城西南十五里地名三岔是唐靖州城城西北十五里地名三岔是唐南寧城

平彝縣志

卷之二

沿革

八

城即協州城姑存以備參考○按故旅途自白水關驛經曲靖城抵三岔為一程三岔故南寧縣治是以前驛猶名南寧順治十六年徙霑益州治於交水康熙初因行旅之便南寧驛人交水城其驛猶隸南寧縣康熙四十年省驛丞歸霑益州

太宗貞觀八年改西平州曰盤州

見唐書明一統志曰普安陸涼亦佐

皆盤州地

高宗永徽四年蒙舍詔細娜邏遣子邏盛炎入朝以

細娜邏為魏州刺史

唐南蠻傳曰彝語主為詔蒙舍詔者六詔之一也與蒙雋

詔越析詔浪穹詔鄧賤詔施浪詔同稱六詔而蒙舍詔在五詔之南改又稱南詔南詔野史曰施浪

詔今曲靖

玄宗開元二十六年南詔皮羅閣利啖劍南節度使

王昱求合六詔為一制可之蒙氏建松明樓於六月二十五日誘五詔

祭祖舉火焚之盡殺五詔主并其地冊為雲南王賜名歸義

天寶九年南詔反故事南詔嘗與妻子謁都督過雲

南太守張虔陀虔陀私之多所求丐羅鳳怨忿反

發兵攻虔陀殺之

十年四月劍南節度使鮮于仲通自將八萬人擊南

詔進次曲州靖州南詔王閣羅鳳遣使謝罪仲通

不許進軍西洱河與戰大敗士卒死者六萬人羅

平彝縣志 卷之二 沿革 九

鳳臣吐番揭碑國門明不得已而叛唐

十三年徵天下兵凡十萬使劍南留後李宓擊南詔

閣羅鳳誘之深入至太和城閉壁不戰宓糧盡士

卒瘴疫饑死什七八乃引還蠻追擊之全軍皆沒

前後死者幾二十萬人雲南盡沒於蠻唐南蠻傳曰東西

分烏白二種自曲州靖州西南昆川距龍和城通謂之西蠻白蠻自彌鹿升麻二川南至步頭通謂

之東蠻烏蠻閣羅鳳反以兵脅西蠻徙之至龍和皆殘於兵東蠻烏蠻復振徙居西蠻故地世與南

詔為婚其種分七部落一日阿芋路居曲州靖州故也○太和城在大理府城南十五里

代宗大曆元年閣羅鳳僭稱大禮國

十四年九月閣羅鳳死其孫異牟尋襲

德宗貞元三年異牟尋絕吐番復歸於唐

宣宗大中十三年十二月南詔豐祐死子酋龍嗣酋

龍自稱皇帝改國號大禮

僖宗乾符四年二月酋龍死子法嗣請和許之酋龍

為邊患二十年唐宣因之虛耗

中和三年十月唐以宗室女為安化公主與南詔和

親

昭宗天復二年南詔清平官鄭賈嗣唐南蠻傳曰清平官所以決國

平彝縣志

卷之二

沿革

十

事猶宰相也賈嗣唐西瀘令鄭回七世孫弒其主舜化滅蒙氏僭號大

長和國蒙氏傳三十五世共二百五十年而亡

後梁

太祖開平四年鄭買嗣死子旻立傳子隆亶東川節

度使楊于貞殺之鄭氏傳三世歷二十六年

後唐

明宗天成元年楊于貞立侍中趙善政南詔清平官

三年趙善政僭號大天興國六越月楊于貞廢之自

立僭號大義寧國八年而亡

後晉

高祖天福元年通海節度使段思平討楊于貞三十

七部會於石城攻大理平之于貞走死

二年思平自立僭號大理國

段氏之先為武威郡人自段忠國佐蒙氏為清

平官六傳至思平

宋

太祖乾德三年忠武節度使王全斌平蜀欲以兵威

取雲南進滇地圖太祖鑒唐之禍以玉斧畫大渡

河在四川黎州安撫司曰此外非吾有也滇遂為段氏所據

平彝縣志

卷之二

沿革

十一

不通中國諸蠻凡三十七部縣治為摩彌部

元史曰霑

益先為樊刺二種所居後為摩彌部奪之摩彌部蠻蒙提居交水村築城名取籠後為大禮國高護

軍逐其子孫為私邑又按元史樊刺二種居今尋甸去霑益不遠故得居之若縣治名平彝鄉於交

水為近摩彌勢強樊刺二種或未能遠至平彝也夜苴部

仁宗皇祐五年荆湖宣撫使狄青敗儂智高於邕州

智高走大理死其王段思廉函首送京師復通中

國

神宗元豐三年楊義貞弒其王廉義而自立高智昇

討誅之立廉義子壽輝善闡侯高昇泰又廢之立

思廉孫正明

五年正明遜位為僧見石屏州志國人立其相善闡

侯高昇泰僭號大中國

哲宗紹聖元年昇泰死子泰明奉父遺命立段正明

弟正淳號後禮國

徽宗政和七年大理貢馬及麝香方物授段和譽和譽

即正為雲南節度使雲南國王

理宗淳祐十二年元憲宗八月蒙古使忽必烈即元

擊大理兀良合台率西道兵入麗江府

平彝縣志沿革卷之二 十三

寶祐元年元憲宗十二月蒙古忽必烈由中道即越

今北勝州渡金沙江進薄大理虜其王段智興分兵取

附都善鄯烏爨等部遂班師留大將兀良合台攻

諸彝之未附者段氏自思平至智興傳二十二世

年餘三年元憲宗西南彝盡降蒙古得五城八府四郡蠻

部三十七

四年元憲宗蒙古立摩彌部萬戶於南寧州領南寧

南寧落温陸涼納垢馬龍普摩州四千戶

度宗咸淳七年元世祖至蒙古改國號曰元以摩彌部為中路

帝焜德祐二年元世祖至元立行中書省於善鄴雲今

南初置郡縣改中路為曲靖路宣撫司領南寧倚

縣陸涼溫州郡落越州越州之川名魯望普摩部蠻

四十五里本唐悅州通志曰故越州羅雄州羅雄

址在越州衛北二十五里石堡山西羅雄州羅雄

地為塔敝納彝甸俗傳為槃瓠六男其一曰蒙由

丘後裔有羅雄者居此甸至其孫普恐名其部曰

羅雄元初隸普摩千戶至馬龍州州即

平彝縣志 卷之二 沿革 十三

州後摩彌部據霑益州領縣三交水其先摩彌部蠻蒙提

縣在州南二百石梁在州東北五羅山在州東南

元里平彝鄉彝名落蒙山乃摩彌部東境摩彌

世祖至元十五年賜雲南土官冠帶使仍舊任

二十年七月開雲南驛路設官治之

二十八年二月以雲南曲靖路宣撫司所轄地廣改

立曲靖等處宣慰司管軍萬戶府以鎮之本紀

二十九年四月設雲南諸路學校以蜀士充教官

順帝元統三年三月以霑益州所轄交水石梁羅山

三縣併歸巡檢司見順帝本紀按明會典南寧縣

白水關霑益州阿幢橋松韶關

三處各有巡檢一員疑平彝亦有巡檢一員于
明初設衛時省○是年十一月改為至元元年

至元二年立亦佐縣析羅雄州之夜苴部為治隸羅

明修攘備考曰元至元間置亦佐縣舊縣在西北

漢宛温縣地蜀漢及晉皆興古郡地唐盤州地後

沒于蠻號夜苴部訛為亦佐○按元史無亦佐縣

明

太祖洪武十四年雲南稱元宜九月命穎川侯傅友

德為征南永昌侯藍王西平侯沐英左右副征雲

南友德至湖廣分遣列侯郭英等由永寧趨烏撒

平彝縣志

卷之二

沿革

十四

大軍由辰沅入貴州達普定諸苗蠻望風迎降

十二月友德等入滇沐英駐軍平敗元兵於白石江

在曲靖城遂平曲靖分遣沐英擊越州龍海諸寨

越州土知州龍海亦佐土友德自帥師擊烏撒遣

沐英等趨雲南元梁王走滇池島中赴水死城降

十五年正月以雲南行中書省為雲南都司布政司

等官罷曲靖宣慰司為曲靖軍民府

十六年二月詔傅友德班師留沐英鎮守雲南見明

二十一年正月命穎國公傅友德等統番漢大軍征

雲南未靖蠻寇見明史

九月傅友德等討越州叛酋阿資於普安資龍海子生擒

一千三百餘人沐英遺都督甯正從友德擊阿資

大敗之阿資遂降見明史築堡平彝見舊通志

二十三年置越州平彝二衛明一統志曰平彝衛在

雲南洪武二十二年改隸貴州以故普安有平彝名也

二十四年阿資復叛平羗將軍何福降之作驛舍郵

亭通黔蜀道見明史多羅驛設在平彝衛之石岑舖堡名白水隸雄州驛丞一員堡官

平彝縣志 **卷之二** 沿革 十五

一員以罪人徙充站夫

十二月沐英以阿資叛服不常請徙越州衛於陸涼

鎮之置寧越堡

二十八年正月阿資又叛西平侯沐英春率何福討

誅之及同惡二百餘人

羅越州以王鄉人霑益州石堡山入南寧縣屈即村入亦佐縣

以亦佐縣入流設流官知縣沙酋以罪降縣丞

三十一年建陸涼衛移越州衛入越州城

惠帝建文元年築平彝衛城在舊城山上見舊志

二年省平彝衛歸曲靖衛見衛官襲職冊

成祖永樂元年復設平彝衛見衛官襲職冊

三年越州土舍祿寧詣闕貢馬祿寧何資子詔授亦佐縣

右縣丞置之亦佐城與沙氏為左右土縣丞析越州臨

郭村莊食之見海酋襲職冊

憲宗成化十二年八月置臨元瀾滄金騰曲靖四道

以飭戎

孝宗弘治七年建平彝衛石城見舊通志舊志曰正統中東移數百步

武宗正德二年調曲靖衛之中右所益平彝衛為右

平彝縣志 卷之二 沿革 十六

所以衛原部為左所見衛官襲職冊○指揮吏與僉事領之所有十伍伍有七

旗旗有七軍千戶管所有戶管伍總旗副之旗置小旗一人共軍七百有奇以三分馬步守城

七分屯田輪餉官軍並世襲

遷建平彝衛石城南移二十餘步見舊志

移多羅驛舍駐東關

九年建平彝衛學十一年頒印見包志

世宗嘉靖二十五年二月設霑平守備從貴州巡撫劉渠請也見

南詔野史按嘉靖中平彝千戶徐宗以安海二彝為患追擊死之事詳名宦

神宗萬曆十六年以臨元參將兼治霑平守備事

熹宗天啓二年二月霑益彝婦設科叛陷平彝城指

揮僉事曹三捷李天植死之

設科水西土目安邦彥妹安効良與之通土目補
鮮李賢索科期曲為之用殺吏民陷霑益倘塘炎
方松林交水白水平彝諸站堡平彝管操指揮曹
三捷李天植拒敵死之創軍民數百人失衛所伍
印掌印指揮使唐九官千戶等被傷
而奔 按平彝指揮使無唐九官名

三月改霑平守備為遊擊 巡撫沈倣便宜起用

故叅將袁善討霑益諸蠻

四月叅將尹啟易守備李加培周嘉映等討叛氏於

霑益敗績加培嘉映俱死之

平彝縣志 卷之二 沿革 十七

安効良悉水鳥蠻拒職官軍失貢象
三効良霑益土知州署烏撒土府事

五月尹啟易屯兵交水

七月亦佐縣安京營營長安應龍作亂

應龍合霑益蠻補鮮階亦佐城逐知縣封
存章封府庫僭亦佐事存章走廣西府

九月補鮮安應龍向九圍羅平城不克而去

羅平改土為州萬曆十四年事也彝民不通漢語
怕見官府糧差令漢人領之謂之歇戶初時上下
守法尤覺相安後因有司橫徵無藝歲額之外益
一千三百餘金而歇戶諸色橫索尤甚致奪馬牛
準折田土各彝始罷然喪其樂生之心霑益叛首
補鮮乘而用之遂率眾攻城然二十四營土酋順
逆者半賊不過七八千人應龍與阿九
分管亦佐上下五管而僭羅平之半

三年四月叅將施翰計擒阿九父子于法十寨斬之

補鮮等招誘亂民三圍羅平城官軍大集七越月而鮮乘勝掩擊補鮮安應龍于亦佐覆應龍巢穴應龍走普安翰追之至普安斬三百餘級賊從安氏三隴應麒及應龍妻子而還勒石除羅平苛政七十二條應龍奔烏撒叅將袁善收復平彝白水城堡招集流亡法于羅平州寨名

五月建交水城徙平彝右所軍士戍之

水西普安諸蠻復寇平彝守將袁善擊走之

諸蠻萬餘人來寇平彝袁善炮擊之殪其眾賊焚死野祭而去善躡賊踪由羊腸亦佐越州遁

七月飭平彝衛樓櫓廩寺民舍

十一月兵備叅議王英叅將尹啟易計禽設科李賢

平彝縣志

卷之二

沿革

十八

誅之

柙設科械擊賢就法司獄取其親子為質補三年通負築城守之遣經歷魏天命招徠亦佐縣流散釋被擄人民七百有奇撫定彝寨一千六十有奇

十二月安効良具文乞降

巡撫閔洪學責其獻補鮮應龍貫罪

四年十二月築亦佐縣石城 俘安應龍

安効良縛安應龍及貴州烏撒衛經歷司各印信安目把何與先保邦正獻于曲靖道王鎮鎮以爭蘇應龍故伴勞之遣還殺一使于曲靖城外

五年二月副總兵袁善修復霑益城及倘塘炎方松

林四驛堡蜀道復通

三月水藺烏雷三逆合兵數萬窺雷益敗走之

安効良水西肺附之親也二戴來亦佯為恭順自
獻安應龍後不意所遣獻功人被劫又見黔師出
陸廣滇師入雷益益成騎虎自分終不得生遂南
面而向滇也藺烏合成一片其飛殆十倍于我分
寇雷益炎方則總兵袁善官撫使沙源守備龍在
田郝天極名色守備王顯祖洪偉張實等血戰雷
益城下別遣守備吾必奎等堅守炎方以為犄角
善乘勝間出炎方夾擊大破之前後五戰五日五
夜破賊五六萬眾賊不敢窺雷益遁去
○水藺烏雷事見皇明通紀新舊通志

懷宗崇禎三年黔國公沐天波巡撫土沅巡按甘學

潤詣曲靖討安効良設科除餘孽雞世昌平之

平彝縣志

卷之二

沿革

十九

十三年削亦佐左土縣丞沙運泰籍運泰死無嗣其妻隆氏撫姪承

統襲居舊縣東又乏嗣失職

本朝 即大清

世祖章皇帝順治元年甲申雲南未入版圖特書之大一統也

二年乙酉十二月朔臨安府王弄山土酋沙定洲叛

宣撫司沙源次子據雲南城分遣其黨陷迤東西郡縣

三年丙戌雷益州土酋雞世昌子贊統冒稱為亦佐

左土縣丞沙氏裔附宗定洲逐沙承統母子奪知

縣牟道顯政徵吞賦稅理民事簿書悉出其門道

顯綰虛篆聽命

四年丁亥三月流寇孫可望李定國劉文秀艾能奇自黔入滇詭稱援師二十五日屠平彝二十八日屠交水二十九日屠曲靖或剝手知府宋文旦知縣陳六奇死之定洲遣其黨禦可望等於曲靖大敗可望分兵聲言搗定洲巢穴定洲居王弄山老寨今屬開化府定洲聞棄會城走遇可望兵於蛇花口大敗退守俾革竜可望饑困由尋甸嵩明宜良入雲南據之五年戊子五月艾能奇死

平彝縣志

卷之二

沿革

二十

八月李定國被俾革竜獲沙定州萬氏楊嘉賓等械赴雲南十月磔於市誅同惡數百人亦佐土舍沙贊統自度不免飲鴆死贊統子飛雄乘亂復據亦佐萬氏叛酋普名聲妻也名聲死納沙源長子定海既而鴆定海納定洲性狡點淫虐續名聲為亂

六年己丑二月孫可望等聞明桂王朱常瀛子由根偽稱永曆年號於粵西遣副使楊畏知與偽戶部龔彝如粵求封爵以群議不決彝潛歸

七年庚寅孫可望偽稱秦王署百官取黔中地詣貴

陽

八年辛卯二月孫可望目稱國主

九年壬辰二月永曆駐安籠所孫可望築宮貴陽使

其將白文選迎永曆如黔潛謀受禪永曆不果行

十三年丙申正月李定國自廣西至安籠擁永曆入

滇

二月永曆至雲南署百官改平彝衛為平彝縣

見舊志

十四年丁酉孫可望自貴陽舉兵入滇攻永曆

九月李定國劉文秀逆戰可望於曲靖之三岔口

平彝縣志

卷之二

沿革

二十一

大敗之可望走長沙乞降於經畧洪承疇軍前

十五年戊戌劉文秀死

十二月

大師三路取滇會於曲靖永曆走迤西

十六年正月大師抵雲南定兩迤郡縣亦佐土縣

丞海濶歸附

遷霑益州治於交水城

與右所官軍合居

二月永曆自騰越州入緬甸

六月設總督巡撫布政按察等衙門省平彝衛所世

襲指揮使等官易守備千總

十七年正月詔吳三桂鎮雲南三桂疏乞沐氏勲莊
予之

十八年亦佐土舍沙飛雄謀逆事覺總督趙廷臣捕
逮屬府瘐死

八月以衛所軍官職田照軍糧例起科編軍舍丁
差罷管堡百戶官以衛千總兼之明初設百戶一員典堡夫事

康熙元年正月緬甸酋獻永曆至滇

四月定酉將軍愛星阿等議送永曆至京吳三桂
奏以道遠不便縊永曆及其子於昆明館家屬逆

平彝縣志

卷之二

沿革

二十三

京

五月雲貴總督理曲靖府

前治雲南後遷貴州

五年以亦佐土縣丞海濶地編為里甲

海地人流編糧已久濶乃

恣意飛灑毒虐肢削巡撫袁懋功奏請其地上伍營中伍營下伍營編為太平人安長治三里每里十甲著其額不得易

遷多羅驛於城中

八年罷亦佐縣

以小縣例省人羅平州

九年五月安插土酋海濶於越州

十二年十一月吳三桂叛

十三年正月偽設亦佐縣

十七年亦佐偽令龍元喜以安邊豐約二營賄給沙

飛雄從子鼎臣 八月三桂死

十月偽留守將軍郭壯圖等立三桂孫世璠

二十年辛酉二月

大帥入滇境秋毫無犯所至歸附十九日軍薄雲南

城郭壯圖率眾死力拒守圍之

詔免雲南二十年分夏稅

十月二十八日世璠壯圖自殺餘黨降

平彝縣志

卷之二

沿革

二十三

二十一年釋滇民之隸逆籍者為民仍以亦佐縣附

羅平州以吳三桂原請沐氏勳莊併歸附近州縣

二十二年巡撫王繼文請修學校

亦佐阿汪營火頭厦魯機字維屏冒稱為沙普元

苗裔攘沙鼎臣安邊營踞之

二十三年七月以驛丞兼治堡夫事

堡事初以衛千總兼治後軍興

外委堡官一員至是鹽驛道副使郭廷錫請歸驛官帶理

二十四年以沐氏勳莊變價還民照民糧例起科

近平

彝衛城之寄莊入霑益州

五月頒 御書萬世師表四字懸於雲南各學

十二月巡撫王繼文奏發常平倉賑恤孤貧從之

二十六年二月裁平彝衛

從曲靖府通判駐城治左所故地其右所地歸馬龍

尋甸靈益南寧四州縣儒學
曲靖府從總督范承勳請也

二十八年九月總督范承勳奏請雲南二十一年至

二十七年逋欠屯糧分年帶徵 上盡蠲之

二十九年二月巡撫王繼文以錢壅價低驛堡工食

不便以全錢支給請用銀七錢三搭放從之

十月巡撫王繼文奏請衛所荒田照民糧上中則

平彝縣志

卷之二

沿革

二十四

起科聽民開墾

三十二年 詔復通省民屯田租

三十四年九月巡撫石文晟以屯衛錢糧十倍民賦

請照河陽縣土則起科從之

滇省田賦河屯因蘇陽縣為最重

十一月建平彝縣

巡撫石文晟總督王繼文再疏允之設知縣典史訓導各一人

以亦佐土縣丞改為平彝土
縣丞罷多羅驛丞歸縣帶理

以平彝廢衛亦佐廢

縣及析靈益州之久安長治二里寄莊余家堡為

治於故平彝衛城

十二月亦佐安邊營上舍沙鼎臣殺沙維屏於沙

營維屏貴州永寧州募役長官司禮申信壻也申信為維屏聚眾千人於安邊營謀攻鼎臣盡奪其地未行被鼎臣殺之

三十五年黔酋禮申信訟沙鼎臣於官勾致鼎臣杖

斃之豐約安邊二營仍歸流二彝家口逐出境外

三十八年三月頒平彝縣印縣治新設刻木為記至是禮部發印及學記到

縣

四十三年 詔免通省軍民田賦

四十五年增設平彝縣儒學教諭

驛堡工食支給全銀

平彝縣志

卷之二

沿革

三五

五十年 詔免通省軍民地畝人丁銀兩

平彝縣建置表

總部 郡 州 縣

唐虞 南交昧谷之交

夏商 梁州域

周 合梁於雍

戰國楚滇國

秦 夜郎 且蘭縣

漢 益州 牂牁郡 宛温縣

蜀漢 徐州 興古郡 宛温縣

平彝縣志 沿革 卷之二 二十六

晉 寧州 興古郡

西平郡

宋 寧州 興古郡

齊

梁 爨瓚據 西爨白蠻

東爨烏蠻 阿芋路部

陳

隋 益州 捷為郡 恭州

協州 開邊縣

隋書地理日大業初廢
恭州協州入開邊縣

唐 戎州都督

西平州 天寶中改盤州

蒙氏據

摩彌部

夜苴部

宋 段氏據

摩彌部

元 摩彌部萬戶

普摩千戶

中路

雲南行中書省

曲靖府總管府

霑益州

羅山縣

平彝縣志

卷之二

沿革

二十七

曲靖宣撫司

亦佐縣

明 雲南布政司

曲靖軍民府

羅雄州

亦佐縣

雲南都司

平彝衛

本朝 雲南布政司

曲靖軍民府

羅平州

亦佐縣


雲南都司

平彝衛

雲南

曲靖軍民府

平彝縣



平彝縣志卷之三

知平彝縣事於越任中宜纂輯

男 振芳校

地理志

疆域 山川

形勢 關隘

險要 風俗

種人附

邑為徼外孔道全滇門戶之區南通苗獞中懷安海二獠厥土青黎丙多磽确可耕者十之一耳誠荒服也然白馬青溪之概披閱黃圖居然列於名勝間矣惟地險阻舟車不通轉運無術財利難興欲望民生之裕曷可得哉作地理志

平彝縣志

卷之三

地理

一

疆域

滇處京師西南極邊而平則滇東北之一隅也去京師一萬一百七十里在雲南省城東北四百一十五里在曲靖府城東北一百三十五里東至貴州普安州界十五里南至羅平州界二百二十里西至南寧縣白水關界三十五里北至霑益州界十五里

形勢

物阜里在南霑馬尋之間原係右所屯地地土零星亦佐之豐約等營東北界連普安而安邊營又東南插入普安域中安定河許等營西北與越州及安土接壤皆未能以四至述也

神馬擁前翠屏列後清溪環流蒼崖峭立黔界所
分滇疆首邑

險要

地故遐荒壤屬夜郎西通滇戶東鎖黔關北連安
彝南距苗獐千山攢聚一線羊腸滇之喉舌也

山川

龍馬山 一名白馬山在城南二十五里高十五里
三峯峙立中峯獨出昔有白龍馬現其間

至今石槽尚存鄉人結廬於其上曰萬山雄鎮

巒岡山 在城東十五里在萬山之南

平彝縣志

卷之三

地理

二

定南山 在城西十里明西平侯沐英開滇駐兵於
此樹坊其上名曰定南山坊跡石址猶存

席帽山 俗名老哈坡在城西南一
里許以形如席帽得名

蒙洞山 在城西北五里下有
洪源洞高二十餘丈

落蒙山 在城西一里今名古城
寨元初建羅山縣於此

宗孟山 在亦佐城東南五里呼山
之至尊者為祖慕訛為宗孟

早改山 在亦佐城東十五里
遇早縣人禱之輒應

矣層山 在亦佐城西三里山有清泉居
人皆汲飲之彝語水為矣因名

法圖山 在亦佐城東南百里巖壁
聳高彝民禱祀祈年處

龍馬山 在亦佐城東五里石巖壁立每遇微雨石
上如物蠕蠕欲動相傳龍馬出現故名

塊澤坡之徑劃成鳥形故名其巔為鸚鵡嘴亦佐

知縣邢偉作亭於上額曰若凌霄漢

以則坡有石或蹲或眠如人物狀者不可勝紀其

地產蘭四時幽香不絕亦荒服之勝概也

五里坡在亦佐城東百里陡峻難行康熙四十

宣威嶺在城東十五里滇黔交界迎送之盡境有

坊其際曰滇南勝境學道壽以仁重修黔旅至此覺山平天濶東望則菁霧瘴雲天限二方也

揚威嶺在城西七里山險菁

清溪洞一名三台洞在城西三里面溪流中官十

平彝縣志 卷之三 地理 三

芝朶雲英亭臺鐘鼓之屬皆石乳溜結者騷人遊觀之所

桂花洞在城北十里洞穴邃幽昔有百尺大桂根

紫泉洞在清溪洞山後穴與清溪洞通洞口寬廠

曲折流觴可以

獅子洞在城南十里水從洞出波光

三門洞在城西

落水洞在城西北十五里有竅九

洪源洞在城西北五

天生洞在城東南一百

韜光洞 在亦佐城東南二里炬火可入

響水洞 潭源出白水有深

多羅海 長五里許遇雷雨則汎濫汪注

十里河 在城西西南二里合清溪河水至羅

黃泥河 在亦佐城東百里一名小黃河四時水色

蒲織河 在亦佐城東南九十里中生九節蒲其

塊澤河 源在亦佐城西西南十五里

以則江 在亦佐城南八十里

雙碧潭 一在城東

平彝縣志 卷之三 地理 四

鯉魚潭 在清溪之上天將雨

響水潭 在城西

黃龍潭 在巒岡

古城潭 在古城

關隘

豫順關 在城東 宣威關 在城東

分水關 在城北

風俗

土瘠民貧俗尚樸質疾信醫巫婚喪循禮男務農

耕女昧紡織人亦好義惟信道釋籍多辰沅故俗類楚士知向學科第漸出

按滇舊志曰昔之言風俗以道里分今之言風俗以年世分百年不同風又數百十年不同俗譚景升元結所謂化也然有由鄙野而化文物者由澆漓而化淳厚者皇風翔洽在事賢達之教詔觀感為多又有由文物而化後汰者由淳厚而化淫慝者則五方游寓之為也草詞訟走公府誘取子弟產業造為蜚語皆此儕也夫本

平彝縣志

卷之三

地理

五

士之人漢與彝耳諸書所載陋惡不典者皆彝也今彝且漸化况於非彝耶

元日祀天地祖先用桃符門丞往來賀歲

立春日春盤賞春以餅酒饋

上元之夕賞燈張樂次夕男女以類相將遊行携爆竹挿香於道相傳可以却疾火樹星橋有古風焉
二月三日效修禊事

清明挿柳墓祭

三月三日謁真武廟

二十八日謁嶽廟為東嶽會

四月八日為浴佛會

五月五日懸艾虎繫續命縷飲菖蒲酒以再泰相饋
六月朔日至六日禮南斗祈福

二十五日為星回節束松苙於街衢釀飲村落照田

占歲

志云自慈善死後人哀之故有此節或云即古東昇炎火之意以焚蟲類理或然也

七夕婦女穿鍼乞巧

中元祭先於家堂或焚冥衣楮鏹夜放河燈

中秋以瓜餅祭月

平彝縣志

卷之三

地理

六

九月朔日至九日禮北斗祈福甚盛

重陽登高飲茱萸酒賞菊以麪簇諸果為花糕親識
相酬饋

十月祀先墓祭

長至相賀五以糍餌饋

臘八日作五味粥 廿四日記竈 除夕爆竹飲分

歲酒先少後老煨燼守歲四更迎竈

冠禮今廢

婚禮求親敦請冰人於家讌而拜之至婦家拜致主

人意婦家既諾即讌之二姓互相酬拜下定儀將
娶訂期納幣然後親迎其儀物豐儉各稱其力
喪禮棺槨殯殮皆從儉戚有力者於塋上銘石為記
惟彝人不用棺槨皆火化近亦用木卜塋者多矣
祭禮塊肉雙蛋亦以裡祀兵燹之餘民俗凋殘聊致
孝思耳

廬舍之制與各省異各省止用甌瓦滇中兼用甌瓦
相傳滇中風多明初特勅許用

市肆以十二支所屬之日為率如寅為虎午為馬之
平彝縣志

卷之三

地理

七

類俗呼為街子日中而聚日夕而罷

交易昔多用貝俗名曰肥子一枚曰莊四莊曰手四
手曰苗五苗曰索每百索值銀一兩明嘉靖隆慶
間兩次鑄錢彝俗不識格不能行天啟六年因科
臣潘士聞之條奏巡撫閔洪學力行之錢法始通
見閔洪學奏疏相繼而行至於明末每銀一兩敵貝至三
五百索後至七百索而廢貝不復用

古者女子出門必擁蔽其面後世宮人騎馬多着幕
羅全身障之猶是古意滇俗婦人出以錦帕覆面

至老不去

周禮三農謂山農澤農平地農也註山農南方之刀耕火種巴蜀滇南之雷鳴田也澤農江南之葑田廣東之海簾諺所謂岸水插秧撐船割稻者也若平地農只可以言中原不可該邊甸也平彝絕無平原畝若階梯山地無水種蕎麥豆梁之類大約種稻者皆曰田種雜糧者皆曰地

滇俗瀘水處皆稱海子高山峻嶺謂之坡呼雲為雲彩初生日月牙畫角為畫曉松苴為松明高田平彝縣志

八卷之三

地理

八

為雷鳴田謂雷鳴雨沛始得播種也

種人

黑羅羅

男子挽髮以布帶束之耳帶圈墜一隻披氈佩刀時刻不釋婦人頭蒙方尺青布束於額上短衣上披袈裟桶裙結繡上下迴文手象牙圈跣足頂帶紅綠珠雜海貝瑇瑁以多為勝在夷為貴種凡土官營長皆其類也土官服雖華不脫彝習土官婦纏頭綵繪耳帶金銀大圈服兩截雜色錦綺以青

緞為套頭衣曳地尺許背披黑羊皮飾以金銀鈴索各營長婦皆細衣短襪青布套頭居深山雖高岡磽隴亦力耕之種甜苦二蕎自贍善蓄馬牧養蕃息器皿用竹筐木盤交易稱貸無書契刻木而析之各藏其半市以丑戌日墜貴者裹以皐此賤者羊皮焚諸野而棄其灰能為乳酪雜樵蘇鬻於市腥穢侏儒若鹿豕然性多悍黠好攻掠漢人弗以女妻之

白糶糶

平彝縣志

卷之三

地理

九

男衣兩截衣裹頭跣足婦人耳帶銅環被衣如袈裟以革帶繫腰在彝種為次貴即土官之把事等役是也喪無棺縛以火麻裹殮昇於竹椅前導七人環甲冑執鎗弩四方射名禁惡止殺焚之於山既焚鳴金執旗招其魂以竹簽裹絮少許置小篋籠懸生者床間祭以丑月念三日插山榛三百枝於門列篋籠地上割燒豚每籠各獻少許侑以酒食誦彝經羅拜為敬婚姻惟其種類以牛馬為聘及期聚眾誑於女家奪其女而歸性羸惰淫湏病

惟祭鬼占用雞骨

乾糶糶

彝中之氓也多貧被羊皮革帶佩刀每食挿筋飯中仰天而祝以為報本好勇喜鬪殺人償之以財有讐怨雖父子兄弟推刃不顧以上三種飲食或用蕨灰為鹽居無床席男女跣足以背負重言語馱舌今漸染既久風俗丕變

狝彝

習俗儉絢男女皆事犁鋤服短衣長裙構樓而居

平彝縣志

卷之三

地理

十

好食犬鼠病不服藥惟務祭鬼相傳為宋時因罪投荒者祀祖猶類華俗多姓王

平彝縣志卷之四

知平彝縣事於越任中宜纂輯

男 振芳校

建設志

官署 城池 堤閘 倉庫 驛堡 哨 舖 橋梁 旅途 坊表 古蹟 冢墓 寺觀 景致

平自元立兩邑分土建官以收臂指之效則金湯之固郵傳之設官舍之建廩藏之謀備矣若夫堤閘有灌溉之功古蹟標名勝之概津梁利涉坊表旌賢是臨民者之所宜知也何敢廢諸至哲人壘墓梵宮道觀事既相仿法得附書作建設志

平彝縣志

卷之四 建設

一

官署

縣署

即衛守備衙康熙十二年守備李之陞建大門二門各三間大堂三間辦事房八間川堂

三間後樓五間廂房十四間康熙三十二年駐劄通判沈宏緒於署左增建花廳三間書房三間廂房三間康熙四十年十月知縣任中宜於書房後建廚房三間花廳右建書房二間

典史衙

在縣右舊驛官署

駐防衛

在縣左舊千總署

城池

縣城

明弘治七年建正德二年遷建周圍二里一百六十步高一丈二尺壕口八百六十四無

池開東南大西小西四門建東南北大西小西城樓五座鋪樓十八座天啟二年為寇益土婦

設科等焚明年恭將表善重修康熙三十八年
知縣任中宜重修及東南大西小西城樓四座
交水城摩彌部蠻蒙提居此築名殿隴城元郎其
閔洪學重築周圍四百九十七丈高一丈九尺
無池開四門建城樓四座舖樓十二座遷右所
官軍駐之順治十六年
年徙露益州治於內

堤閘

大壩 在城東六里引水流至
黃土坡溉民田百餘畝

木視槽 在城西北三里設木視於西由張家灣
入望門四布分散下溉民田數百畝

倉廩

廣會倉 在署前原貯
左所屯糧 交水倉 在交水城內
貯右所屯糧

平彞縣志

卷之四 建設

二

屯倉 一在厄勒舖一
在張家屯今無

驛

多羅驛 元至元二十年七月開驛路置明因之設
於石岑舖之乾橋正德中移東關外康熙

五年移入城屬羅平州驛丞一員舊設馬六十
匹今設五十匹三十四年裁驛丞歸縣帶理

堡

平彞堡 原名白水堡洪武中設夫一百名以罪人
徒充每名歲支本衛穀九石六斗堡田一

百八十畝名為醬豆田立百戶一員典之順治
十八年裁百戶歸衛千總衛裁歸驛驛裁歸縣

哨

滇南勝境哨 宣威關哨 揚威堡軍哨 乾橋

坪軍哨 山黎果軍民哨 響水軍哨 梅子

崖哨 棠梨灣軍哨 以上 永安哨 亦佐

鋪

平彝在城鋪 東鋪 城東七里 石岑鋪 一名多羅鋪 在城西十五

里 響水鋪 一名腰站在城西十五里

亦佐縣前鋪 牛場鋪 縣西二里 水井鋪 縣西六

厄勒鋪 縣西七十里上 曲靖大道今廢

橋梁

祈嗣橋 在城東七里萬曆五年指揮李厚建 乾橋 在城西十五年建

平彝縣志 卷之四 建設 三

豫順仙橋 在東門外萬曆中 軍人張大雲建

石岑鋪橋 萬曆中千戶田嘉禾軍 人周良用吳大金建

紅崖嶂河橋 在城南三里萬曆 中軍人葉汝貴建

塊澤橋 在城東南一百二十里亦佐地兩山壁立 流水甚疾夾岸之間飛駕而渡今無以舟

濟行人

天生橋 在城東南一百二十里亦佐 地在塊澤江上流天然自就

興隆橋 在城東南二百年創 建地在康熙三十二年

亦陽橋 在城東南二 百在城亦佐地

永安橋 在城東南二 百在城亦佐地

界牌橋在城西北八里萬曆二十四年分巡道高薦捐貲檄經歷湯廷良督建仍作亭三楹

亭今廢

界牌鋪橋在城北十五里萬曆五年指揮李厚千戶田嘉禾建

陸路

滇達黔路

南寧縣白水關驛東行二十五里有坊曰平白交

界壤接平彝約一里至響水鋪一名腰站鋪由響

水鋪十里至涼水井左右鋪屋數間由涼水井十

里至石岑鋪一名多羅鋪司居此或由石岑鋪八里至

平彝縣志

卷之四 建設

四

揚威哨路旁有明百戶徐宗遇難碑今無由揚威哨四里濱溪至

清溪洞洞面溪流中宵深崖火入之有浮屠龍象芝朶雲英之像皆石乳流結者清溪

洞右百餘步有橋跨清溪之上即名清溪洞橋由橋三里

至平彝城入西關縣治在城中出東關百餘步曰玉真

仙橋兩後有仙人足蹟現橋上舊路入城西門由過鼓樓出南門今其路廢解人罕行之

橋三里至玉真觀四里至東鋪鋪司居此兩面由

東鋪三里至新關坪茅屋十餘間由村西由新關

坪行二里路南有池水深十尺如鏡由池三里至

滇南勝境明巡按御史洪弼立二坊於境外百餘山之東西題曰滇南勝境

步即黔之普安州界牌有行四十五里至亦資孔

驛屬普安州

平彝達亦佐路

自平彝縣城東行十里至新關坪自新關坪村西

折南行五十里至厄勒鋪元亦佐縣設鋪司於此

城址相傳為避險築自厄勒鋪四十里至安土羊場羊場屬

轄橫豆十五里於自安土羊場三十里至亦佐舊

城有石城一座半址邑舍自亦佐舊城四十里至

水井兩旁有茅屋十間自水井十五里至倒馬坎深箐七八里陰

平彝縣志 卷之四 建設 五

翳不自倒馬坎二十里至乾河路左右有節自乾

河八里至東辰嶺自東辰嶺五里至下牛場路旁

寨自下牛場五里至五里坡陡立難行近始自五

里坡二里至黃泥河漢人白人聚此為一小鎮自

黃泥河十五里至沙營昔沙酋自沙營五里至猪

場猪場即普安州轄出滇疆接黔界行四十里至黃草壩

由安籠所石門坎達廣西西隆州境

坊表

進士坊在城西明張貞節坊在城中明張濬

節制坊在城西關明唐全陝保釐時在小西關明唐

古蹟

漢平彝縣滇黔兩志俱失其址滇後紀曰明洪武

曰今滇南勝境東十里有平彝縣當在厄勒舖

廢羅山縣明一統志曰在雲益州東南一百二十

境任中宜曰按此當舊亦佐縣滇後紀曰在廢

在多羅舖非古城寨廢亦佐縣天啓四年亦佐知縣

元二年設在夜道廢亦佐縣崇禎六年築在城普克城刑偉請遷治普克營

平彝縣志

卷之四

建設

六

古城寨在城西一里明建文元年因險築廢平彝

正統中以山高風烈東遷數百步衛城弘治七年築正德二年南平彝右所城在

西百五里故交水縣城其先摩彌部酋蒙提居

此名易取籠城後為大理國高護軍所奪元初

冢墓

張璉墓在密岡山下

寺觀

祖師殿在治西玄帝廟在治南永興寺在亦佐舊

西臺寺在城西一里古城寨下萬曆中指揮李厚

洪祖重修

玉真觀

在城東五里萬曆中由白馬山移建康熙

二年綏遠將軍總督蔡毓榮重修
康熙四十二年知縣任中宜重修

三元宮

在古城寨下明洪武
中黔國公沐英建

白雲寺

在亦佐舊治
東南一百里

城隍廟

一在縣治左係舊創康熙二十六年駐劄
通判何旅增建後殿兩廡四十二年知縣

任中宜重修一在亦佐舊治
左一在亦佐東南一百里

關帝廟

在亦佐
舊治右

關帝廟

在縣治右崇禎中總兵陸盈丙重建
康熙三十九年知縣任中宜重修

平彝縣志

卷之四 建設

七

關聖宮

在縣治東十五里明萬曆中建
康熙三十四年總制王繼文重修

永福寺

在城南十五
里白巖山下

景致

石龍古寺

在縣東十五里滇南勝境地中有石如
龍明萬曆二年作石龍寺於此前列一

亭名曰萬里亭後燬於兵康熙三十四年總
督王繼文即亭故址治屋三楹施茶濟湯龍沒土

中四十八年方伯李公華之捐金更新石龍復
見明年春撫滇大中丞郭公璵見之曰此虬也

非龍也因更名曰石虬亭山界滇域嶺劃黔疆
雲烟變斲金碧曠朗帝影翻雲松濤振響地盤

石龍劫殘空王座
勞暫息行客徜徉

東嶺晴雲

嶺橫縣治之東山宿霾雲嶺勢遶廓迤
運蜿蜒跨城帶廓蒼狗變幻娟秀如濯

可卜陰晴
嵐光綽約

巒岡翠竹

在東嶺深處去縣十五里綠筠叢生簇巖穿石陰翳蔽天葱蔚籠日微雨輕風

敲金戛玉宜詩
宜酒可詠可築

宣威曉月

在縣治東南十二里宣威嶺下潭擴數畝水深十尺朔望陰晴見月如璧曙雲

曉星愈湛圓光含
玉朶珠夜色蒼茫

玉真仙橋

在縣治東關外大橋上雨後平明有仙人足印邑人奇之橋架飛虹溪流清泉

驟雨如注焉下真仙
往矚其處足跡宛然

白馬留泉

在白馬山上相傳白馬仙駒飲泉處也石自成池廣不盈丈中涵清泉不涸不

漲清冷甘冽
永留仙嶂

平彛縣志

卷之四 建設

眾壑秋潮

在城南里許胡麻橋下洪潦既盡山谿時流漲滿平田浴鷺浮鷗噴薄盤旋浪

鼓清秋山谷幽
迥響答松楸

清溪仙洞

在城西三里洞去清溪百尺石室凝雲外敞內深煙蘿掛壁乳滴苔浸奇形怪

狀雕鏤難名杳不
可測宛貯仙靈

附亦佐八景

烏龍密箐

在故亦佐縣治北盤旋屈曲載飛載潛時有雲氣微掛其尖

扎村松韻

在故亦佐縣西北十五里茅屋傍山炊煙濕露響激松濤幽人獨寤

十里花香

在亦佐故城西五里一望桃李續紛花開春光紅香十里望若錦繡山鳥聒耳

前縣令邢偉構亭題
其處曰花箐春深

塊澤漁歌

在亦佐故城西十五里春波秋月

天生玉硯

此在亦佐故城西北二十里塊澤河經

鑿成仙窟

東流西水

在亦佐故城東七里倒飛瀑布

矣層名山

在故亦佐縣治西門外山鍾神異

夜月明潭

在故亦佐縣治東門外一水一月

平彝縣志卷之五

知平彝縣事於越任中宜纂輯

男 振芳校

賦役志 里甲 戶口 田賦 鹽法 經費 物產 食貨 市肆 課程

遐荒巖邑里賦人民不敵中州小縣而通粵蹊徑
險僻商稅無多鹽非所產來自千里薪本駝載數
倍淮海之價乃額課既定經費復繁無能少佐
國用是亦司會之所難為計也至里布無征方物免
貢寧非

平彝縣志 卷之五 賦役

聖 朝柔遠之德意耶作賦役志

里甲

民安里 即平彝左所十伍日馬伍劉潮伍陳卿伍
張斗伍董策伍崔伍張潘伍莫伍田伍聘

伍又割雷益州之地
二曰余家堡寄莊

物阜里 即平彝右所十伍日袁統伍袁卿伍邵科
李韜伍佐家伍倪金伍王家伍劉鎮伍

馬伍員伍又平
彝衛之馬場

慕風里 即亦佐上五營日阿汪營則
章營赤迫營得村營豐約營

向義里 即亦佐下五營日安定營阿
許營普克營普只營安邊營

久安里 即海土中伍營編
十甲今改六甲

長治里

即海土下伍營編
十甲今改六甲

戶口

慕風向義久安長治四里
與寄莊余家堡例不編丁

平彝衛軍丁上中下三則共五百三十丁實徵銀
二百三十二兩七錢二分

平彝衛廢弁舍丁上中下三則共一百八十七丁
實徵銀八十一兩五錢

田賦

原額屯地九十頃五十二畝六分七釐二毫一絲
七忽該夏稅本色麥一千一百三十三石九斗

平彝縣志

卷之五

賦役

二

一升三勺八圭八粒內除荒蕪無徵外成熟屯
地三頃四十五畝九分六釐該原徵夏稅本色
麥四十三石八斗二合三勺三抄六撮二圭九
顆四粟康熙三十四年內巡撫石文晟

題准照河陽縣民土地則每畝科稅五升九合二勺

一抄該實徵夏稅本色麥二十石四斗八升四
合二勺九抄一撮六圭每麥一石編條銀六錢
三分九釐五毫八絲三忽該實徵條編銀十三
兩一錢一釐四毫四忽六微七纖四塵四渺一

漢

原額成熟官地四十畝該原徵夏稅本色麥十二石今照河陽縣上則每畝科稅五升九合二勺一抄該實徵夏稅本色麥二石三斗六升八合四勺每麥一石編條銀六錢三分九釐五毫八絲三忽該條編銀一兩五錢一分四釐七毫八絲八忽三微七纖七塵二渺

原額屯田二百六頃三十六畝三分九毫七絲五忽該秋糧本色米六千四百一十五石七斗五

平彛縣志

卷之五

賦役

三

升九合七勺八撮八圭三粒折色三錢二分米四百三十石該銀一百三十七兩六錢內除荒蕪無徵外成熟屯田三十三頃五十七畝三釐七毫六絲七忽六微五纖該原徵秋糧本色米一千一百一十三石九斗一升一合四勺八抄今照河陽縣民田上則每畝科糧八升一合八勺三抄該實徵秋糧本色米二百七十四石七斗六合三勺九抄三撮六粒八顆每米一石編條銀六錢三分九釐五毫八絲三忽該實徵條

編銀一百七十五兩六錢九分七釐五毫三絲
八忽九微九纖七塵六渺二漠

原額官田二十頃六畝六分該秋糧本色米四百
二十一石三斗八升六合折色六錢米一百八
十石五斗九升四合該銀一百八兩三錢五分
六釐四毫除荒蕪無徵外成熟官田四頃四十
四畝六分二釐該原徵秋糧本色米九十三石
三斗七升二勺今照河陽縣民田上則每畝科
糧八升一合八勺三抄該實徵秋糧本色米三

平彛縣志

卷之五

賦役

四

十六石三斗八升三合二勺五抄四撮六圭每
米一石編條銀六錢三分九釐五毫八絲三忽
該實徵條編錢二十三兩二錢七分一釐一絲
一忽一微二纖六塵八渺三漠

原額馬場銀二百六十六兩六錢一分六釐七毫
內除荒蕪無徵外實徵銀一百四兩二錢九分
八釐

亦佐原額民地五十六頃五十九畝三分四釐七
毫二絲每畝科稅五合五勺三抄該夏稅本色

麥三十一石二斗九升六合一勺九抄一粒六顆

原額彝方原無地畝免文照納夏稅本色麥四十石

原額民田五頃六十八畝六分五毫該秋糧本色米一十一石九斗四升七勺五撮

原額彝方原無田畝免文照額辦納秋糧本色米九十石三斗三升六勺

原額條編俱係營火村寨辦納銀七百五十五兩

平彝縣志

卷之五

賦役

五

三錢七分五釐九毫又額辦金價銀二兩九錢四釐六毫二絲四忽五微一塵六渺又額辦協濟站銀二十二兩又每石編地畝銀一銀一分四釐八絲三忽該銀十九兩八錢一釐九絲九忽九微六纖三塵五渺共條編銀八百兩八分一釐六毫二絲四忽四微六纖五塵一渺

霑益州額內就近割歸中下二五營彝地免文額辦夏稅本色麥九石六斗四升一合八勺該條銀二兩八錢九分二釐五毫四絲

平彝寄莊夏稅本色麥一石五升

余家堡田二十五畝該秋糧本色米七斗五升一合七勺七抄五撮條銀三錢七分五釐三毫九絲五忽九微一纖四塵三渺三漠

平彝寄莊免丈田畝該秋糧本色米二十二石六斗九升六合三撮條銀一十一兩八錢五分七釐四毫七絲三忽九微八纖八塵六渺四漠中下二五營彝田免丈照額辦納秋糧本色米二百七十九石七斗五升九合九勺七抄四撮除

平彝縣志

卷之五

賦役

六

荒蕪無徵外實徵秋糧本色米二百四十三石四斗一升九合六勺一抄六撮實徵條銀七十三兩二分五釐八毫八絲四忽八微

以上額徵條編馬場銀一千二百六兩一錢三分六釐五毫六絲二忽三微四纖四塵一渺三漠額徵丁差銀三百一十四兩七錢八分

一起運項下銀八百四十四兩四錢九分五釐六毫六絲二忽三微四纖四塵一渺三漠一存留項下銀六百七十五兩八錢四分

額徵本色夏稅麥一百四石八斗四升六勺八抄一撮六圭一粒六顆

本色秋糧米六百八十石二斗二升八合三勺四抄六撮六圭六粒八顆

鹽法

每年行銷黑井鹽三萬二千六百觔每觔課銀一

分六釐歲該徵銀五百三十七兩六錢加過閏照康熙

三十五年十月內盜部每月行銷鹽二千八百觔內撥需益州鹽八百觔南寧縣鹽八百觔羅平州鹽六百觔尋甸州鹽六百觔

平彝縣志

卷之五

賦役

七

課程

亦佐商稅銀七兩七分四釐

亦佐茶稅銀七兩

經費

本縣知縣一員歲支俸銀四十五兩

門子二名每名年支工食銀六兩共銀一十二

兩

皂隸二十二名每名年支工食銀六兩共銀七

十二兩

民壯四十名每名年支工食銀六兩共銀二百四十兩

禁卒六名每名年支工食銀六兩共銀三十六兩

轎傘扇夫七名每名年支工食銀六兩共銀四十二兩

庫子二名每名年支工食銀六兩共銀一十二兩

斗級二名每名年支工食銀六兩共銀一十二兩

平彛縣志

卷之五

賦役

八

兩

本縣典史一員歲支俸銀三十一兩五錢二分

門子一名年支工食銀六兩

皂隸四名每名年支工食銀六兩共銀二十四兩

馬夫一名年支工食銀六兩

本縣儒學教諭訓導各一員歲支俸銀三十一兩五錢二分

齋夫二名每名年支工食銀六兩共銀一十二兩

兩

膳夫二名每名年支工食銀六兩共銀一十二

兩

門子二名每名年支工食銀六兩共銀一十二

兩

儒學限馬草料每歲照例支銀一十二兩

鞭春酒席每年支銀三兩

二八月春秋二祭每年支銀二十兩

三七十月廟祭三祭每年支銀六兩

平彝縣志

卷之五

賦役

九

舖司八名每名年支工食銀三兩六錢共銀二

十八兩八錢

物產

稻之屬八種 麥之屬四種 麻之屬二種

豆之屬十種 蕎之屬二種 稗之屬二種

蔬之屬十四種 茵之屬五種

果之屬二十種 花之屬二十四種

木之屬十五種 竹之屬六種

藥之屬十三種 羽之屬九種

毛之屬十一種 鱗之屬五種

食貨

油 花椒 蜜 煙 蠟 氈

銅 麝香 紙 五加皮

市肆

日中為市名曰街子後所未日亦佐申日黃泥河
戌日安定戌日

平彝縣志卷之六

知平彝縣事於越任中宜纂輯

男 振芳校

官師志

知縣 官制

縣秩 教諭

驛丞 訓導

衛秩 典史

兵防 名宦

古者置吏所以安民而設兵所以衛民也平為滇黔之交蠻裔之境防禦密而撫字字勞不可一日少弛也明矣是故文武和衷治道攸濟訓迪得人士風丕變何患夫世之不還於古耶况功績懋著惠政隆施者父老至今猶能指其爵里而稱述之

平彝縣志

卷之六

官師

一

豈前之人有可紀而後之人無所推歟作官師志

官制

羅山縣

元至元十三年設元統

知縣一員

餘無

亦佐縣

元至元二年設

知縣一員

典史一員

多羅驛

元至元二十四年設

驛丞一員

平彝衛

洪武二十三年設

指揮使一員

世襲指揮僉事

三員

世襲掌印操屯各一員俱改選

經歷司經歷一員

知事一員

教授一員

左右二所正副千戶十二員

世襲

百戶十九員

世襲

鎮撫所鎮撫一員

世襲

廣會倉

大使一員

白水堡

明洪武二十四年設順治十八年裁百戶一員

平彝衛

順治十六年設康熙二十六年裁守備一員 千總一員

經歷一員 教授一員

平彝縣

康熙三十四年設知縣一員 典史一員 教諭一員

員

康熙四十五年增設訓導一員

亦佐縣

知縣

明封存章

平彝縣志

卷之六

官師

二

雷其曾

房習

余

四川人

李晋亨

貴州貴陽舉人崇禎年任陞雲南新化知縣

趙敷政

江西吉安府進士崇禎中以病歸

李之駒

貴州平渠衛舉人御賜進士崇禎十七年陞羅平州

牟道顯

四川歲貢崇禎末年任

本朝

邢偉

江南丹徒縣生員順治十八年任

何繼芳

四川保寧府劍州人康熙八年任裁縣去

典史

明邊

崇禎年任

黃宗憲

貴州人崇禎末年任

本朝周琮伯

康熙元年任六年故

曹元

康熙七年任八年裁去

驛丞

多羅驛屬

本朝張治國

北直人康熙二年任

林正茂

浙江人康熙三年任

陳銘

浙江人康熙二年任

張期爵

河南鹿邑縣人康熙三十二年十一月任三十四年十二月裁去

平彝衛

指揮使

平彝縣志

卷之六

官師

三

明

曹昂

南京壽州人由本衛百戶歷陞指揮使成化三年任故子襲

曹震

昂子成化五年襲故子夢吉承襲

曹夢吉

震之子襲職卒子希參降僉事以本衛僉事陞補

李璽

山東恩縣人本衛僉事曹希參降襲以璽陞補弘治十八年任正德六年故子襲

李淞

璽之子嘉靖元年任故孫襲

李印

淞之孫襲祖職故子永昇降僉事調雲南衛指揮使張雲蛟任

張雲蛟

由雲南衛調補嘉靖年間任

張九韶

雲蛟子襲父職故無子姪襲

張奇策 九詔姪襲叔

張蘊策 奇策弟襲兄

張輔運 蘊策子襲父

指揮僉事三員

李俊 河南湯陰人 正統六年

李宣 俊子襲父 職天順

李旻 宣子襲父 職成化二十

李詢 旻子襲父 職弘治十二年

李景茂 詢子襲父 職嘉靖

平彛縣志

卷之六

官師

四

李應元 景茂子襲父 職嘉

李厚 應元子襲父

李加培 厚子襲父 職萬曆二十

李成喬 加培子襲父 職

李忠 山東恩縣人 本衛左所千戶 功陞本衛指

李璽 忠子 職成化二十四年 襲父 職弘治十八年

張義 浙江麗水人 本衛左所正千戶 陞補其缺

張武成 義子襲父

張守宗 武成子襲父 職嘉

張守祖 守宗弟越數年襲兄

李永寧 山東思縣人本衛指揮使李印

李天植 永寧子襲父職萬曆二十三年

李繼綱 天植姪襲叔職

曹昂 南京壽州人本衛左所副千戶天

盧倫 無攷

曹希叅 本衛指揮使曹夢吉子昂之

曹宗岱 希叅子襲父職以功陞守備

曹三聘 不知宗岱何

平彛縣志 卷之六 官師 五

曹三捷

曹融

左所正千戶

張儼

張義

張台

張啟玄

左所副千戶

石堅 湖廣辰州 沅陵縣人

石可印

石登明

石天柱

田貢 山東沂水人嘉靖四十五年任

田樂堯 萬曆四十五年襲

徐綸

曹昂

李英 山東恩縣人

李忠

平彛縣志

卷之六

官師

六

左所百戶

劉文 山東膠州人

劉相

劉世禎

劉大堂

劉盡忠

蕭滿

蕭應思

蕭馨

劉佐 山東安樂人

劉潮

董源 湖廣沅陵人 正統四年陞任故子襲

董文

董全

董勛

董林

董策

董萬鍾

平彛縣志

卷之六 官師

七

張銘

任貴

張能 浙江

張網

張潘

劉國聘

陳卿

崔憲章

田有功

張善增 北直永平府盧龍人

張合麟

張正和

張斗

張昱 江南壽州人
洪武中任

曹昂

石全 湖廣沅陵人

石嵩

石紀

平彝縣志 卷之六 官師

八

莫祥 湖廣辰州人

莫源

莫宣

莫伸

莫世勛

莫世爵

莫儀

賀思光

賀沐麟

賀瑞麟

所鎮撫

張榮

浙江麗水人
正統二年任

張璘

襲

張義

襲

右所正千戶

許俊

南京人
遠

許大朝

襲

許登瀛

襲

平彞縣志

卷之六

官師

九

許國忠

張淮

張應時

張鏡

張心正

張駿猷

右所副千戶

盧英

盧國鄉

盧添瑞

盧政

盧仕清

王朝

山東文登人正
德二年調任

王國仁

劉世勛

劉天佑

田繼武

田加禾

平彝縣志

卷之六

官師

十

田濟民

田守禦

陳滄

陳一言

陳朝思

王用

王繼祖

王喬年

徐漢

郭 綱 山東華縣人 正德二年任

郭 鳳 嘉靖四十二年故

郭 守 印 萬曆十五年任

郭 中 珙 崇禎年任

右所百戶

劉 昂 南京江都人 正德二年調任

劉 鳳 祚 千戶天佑子 降襲百戶

劉 振 武 崇禎三年任

陳 滄

平 彞 縣 志 卷之六 官師

李 昂 山東鄒縣人 正德二年調任

李 韜 襲調百戶 嘉靖八年實授

王 武 臣 山東文登人 千戶 王國仁子 降襲

王 加 璽 襲萬曆三十四年任

邵 科

袁 卿

佐國賢

倪 金

袁 統

王思錫

劉鎮

所鎮撫

湯洪

景泰二年任
南京上元人

湯祥

襲成化二年任

湯鑾

襲

湯紹興

崇禎十二年任

經歷

湯廷良

萬曆二十四年任

平彝縣志

卷之六

官師

十三

汪祥龍

四川人

教授

葉本桂

臨安人
貢明末任

平彝衛

守備

本朝

王守魁

陝西人
順治八年任

金邦重

鐵嶺人
康熙二年任故

盛昌胤

陝西韓城人
康熙三年任

李之陞

陝西盤屋人
康熙十年任

張祖淳

直隸良鄉人
康熙二十六年任
裁去

千總

劉堯同

本衛人順治十五年任

丁嗣印

曲靖衛人康熙二十年任

劉之傑

本衛人康熙三年任

王國棟

山西人康熙十年任

劉允譽

山西人康熙二十六年任
去

經歷

梁 弼

河南人康熙三年任

任 鏜

河南南陽人康熙六年任
十二年
貴表京師會吳三桂反沮兵不赴

池 銘

福建人康熙二十六年任
去

教授

平彝縣志

卷之六

官師

十三

梁 經

四川永寧人

陳鳳鳴

江川人

王德芳

李 霽

大理人

金聯璧

曲靖人

劉體宸

尋甸州人

張全斌

雲南人康熙二十一年任

楊邠俊

安寧人康熙二十五年任
去

兵防

明平彝衛指揮使僉事領之 三分馬步旗軍二百

五十三名 七分屯軍六百四十四名 舍丁二

百二十四名 軍餘一千二百五十三名 騎操

軍馬九十五匹 軍器二千二百五件 孳牧馬

五匹 屬曲靖兵備道轄

本朝平彝汎 順治十年設 曲彝武寔鎮委千總或把總一

員帶兵一百二十名駐多羅舖防守康熙二十年

移汎入城其滇南勝境以百總一員帶兵五十名

分守自滇南勝境至土地坡設馬步十二塘每塘

塘有兵二名步塘有兵五名

亦佐汎 順治十年設 廣羅協鎮委千總或把總一員帶

兵一百名防守康熙三十五年四月改曲尋武寔

鎮防守七月以土舍沙維屏沙鼎臣仇殺移汎黃

平彝縣志

卷之六

官師

十四

汎河將亦佐改為大塘分兵二十名以百總一員
守之自黃汎河至平彝設大小十塘每塘有兵三
名

塘

滇南勝境步塘 新關坪馬塘 新關坪步塘

豫順關步塘 平彝城馬塘 平彝城步塘 揚

威哨步塘 乾橋坪步塘 多羅舖馬塘 多羅

舖馬步塘 山黎果哨步塘 土地坡步塘 以上屬平邑汎

黃汎河塘 乾河塘 水塘塘 亦佐塘 阿白

寨塘 稗子坪塘 寬塘塘 羊場塘 龍潭塘

張銘堡塘

以上屬亦佐汛

演武場在東門外

右以上經制馬步兵二百七十名內馬兵二十七名每名月支餉銀二兩七錢七分步兵二百四十三名每名月支餉銀一兩二錢馬二十匹春冬兩季每匹月支料乾銀三錢歲需兵餉料乾銀四千四百四十五兩二錢八分每名月支米三斗共米九百七十二石截曠有扣遇閏按加裁額兵屢次奉

平彝縣

康熙三十四年設

平彝縣志

卷之六

官師

十五

知縣

趙宗武

正白旗籍江南蘇州府吳縣人號時菴康熙三十五年五月任三十七年二月左遷

任中宜

浙江紹興府山陰縣歲貢號恆庭康熙三十七年八月陞

江府新興州

孫士寅

浙江杭州府錢塘縣人己卯舉人號西賓康熙四十五年十月任五十二年五月行

去取

尹旦生

湖廣茶陵州人丙子舉人號清菴康熙五十一年八月任

教諭

康熙四十年增設

樊之翰

楚雄府楚雄縣副榜號佑伯康熙四十年十月任

馬統乾

大理府雲龍州恩貢號駟如康熙五十年六月任

平彝縣志

卷之六

官師

十六

訓導

康熙三十四年設

時

蒲

雲南府宜良縣歲貢號果菴康熙三十五年六月任

黃開商

姚安府歲貢號廣公康熙三十四年七月故

羅其杰

雲南府羅次縣歲貢號人瑞康熙四十七年十一月調補師宗州

吳丙美

雲南府昆陽州歲貢號子發康熙五十一年九月任

典史

童青選

浙江湖州府烏程縣儒士號靜菴康熙三十五年五月任四十年五月陞江南蘇

州府吳江縣平望巡檢司巡檢

金世昌

順天府大興縣籍浙江山陰縣人字子元康熙四十年十一月任四十九年八月

平彛縣志

卷之六

官師

十七

陞廣東惠州府長寧縣作評巡檢司巡檢

顧時芳

順天府大興縣人號蘭齋康熙五十年七月任

名宦

明

徐宗

平彝千戶素有勇畧嘉靖中安海二彝焚劫村舍鹵掠商賈大為民害宗常禦之少

戡賊忿甚一日設伏而來見宗佯走宗獨追之伏起眾寡不敵負重傷猶手刃三人而死巡按

御史立碑于揚威哨春秋祀之

袁善

字復虛昆明人習天文精韜畧初任順寧守備陞撫標中軍轉松潘叅將累著軍功

天啟二年安酋設科糾水西彝祿千鍾等陷亦佐平彝霑益諸城善駐松林分兵大破之民賴

以安巡撫閔洪學疏稱其用兵如神談笑破敵功陞右軍都督僉事卒贈都督同知瘞一子錦

衣衛指揮崇祀名宦

平彝縣志

卷之六

官師

十八

周嘉映

字扶龍雲南中衛人天啟間以武舉署霑

正發兵授蜀映以密書告變謂蘭州之患遠在千里霑益之憂近在目前宜早為之備語洩諸

彝皆恨之後從叅將尹啟易討賊馬蹟死之賊函其首以去

曹三捷

平彝指揮僉事天啟二年霑益彝婦設科反海土諸蠻雲集擾亂以應設科環攻衛

城衛城遂臨官吏士民皆犇三捷典操死于其職

李加培

平彝指揮僉事天啟二年設科陷平彝城加培領兵克復拒戰於霑益敗績死之

平彝縣志卷之七

知平彝縣事於越任中宜纂輯

男 振芳校

學校志

古者建學所以明倫興廉舉孝胥於是乎取之非特為士子趨榮慕利階也苟徒誦孔孟之言而實行不敦則亦負

朝

廷教學之意而大失聖人之旨矣向者平治科目未嘗乏人後因世道多故士風躋弛遂不振已今

聖

平彝縣志

卷之七

學校

一

天子加意右文髦士鬱起文體正而德行修將不次出而致君澤民光榮竹帛者可計日以竢也至義學為有司育材之地故附書焉作學校志

文廟

舊文廟三間大成門三間兩廡十間明正德九年建衛治右萬曆六年重修二十七年又重修天啟二年為設科燬崇禎八年復建康熙七年總督卞三元遷建衛治左二十二年綏遠將軍總督蔡毓榮重修三十八年知縣任中宜重修增建啟聖宮

三間照牆一座櫺星門一座金聲玉振門圍牆全
學署

舊學署自天啟二年燬後借居民舍康熙三十八
年知縣任中宜建明倫堂三間大門一間住宅三
間廂房四間

祭器

祭器未備照
現存者開

鼎一 花瓶一對 燭臺十四對 香爐十三
爵二十二 毛血盤十四 盥盆二 手巾二
邊豆一百六十五 供案十四張 俎案一張

平彝縣志

卷之七

學校

二

桌圍二副 牙香盒六箇 帛盤十四 胙盤一

牲盤十四

櫃二

以上知縣
任中宜置

陳設圖

鼎
黑餅

置
帛案

榛
芡
芡
麩

爵
芡
鹽
蠶
栗
栗
燭

黍
稻
羊

先師位

帛
爵
黍

稷
梁
豕

香

爵
芡
蕝
醢醢
菁菹
鹿醢
燭

藟
兔醢
笋菹
魚醢

豚脰
豚脰

讀祝案

平彝縣志

卷之七

學校

三

每位一壇

榛
芡
芡
麩

爵
鹽
蠶
栗
栗
燭

芡
黍
稻
羊

四配位

帛
爵

芡
稷
梁
豕

爵
蕝
醢醢
菁菹
鹿醢
燭

藟
兔醢
笋菹
魚醢

每位一壇

栗 脯

盤 栗 燭

黍

十哲位 帛 爵 羹 黍 爵 香

稷

菁 脯 燭

菁 醢

平彝縣志

卷之七

學校

四

每四位一壇

文昌魁星名宦 鄉賢各一壇

獻官拜位每廡三壇

栗 脯 爵

神位 爵 盤 栗 爵

神位 爵 黍

兩廡 帛 燭

神位 爵 稷 香

神位 爵 菁 醢 爵 燭

菁 醢 爵

啟聖位祭品視

先師位惟減太羹一太牢一

四配位視十哲惟添豕首一

從祀位與四配同惟減豕肉一

太常紀要曰明正統三年禁祀孔子於釋老宮令祭物非所產者以所產代

祭儀

先師孔子舊設像稱大成至聖文宣王明嘉靖九年改今稱易以木主

四配舊稱國稱公今稱某聖某子

平彛縣志

卷之七

學校

五

十哲以下及門人皆稱先賢某子左丘明以下皆稱先儒某子增祀后蒼王通歐陽修胡瑗四人黜顏何公伯察秦冉荀况戴聖劉向賈逵王肅馬融杜預何休王弼十二人以遷瑗林放鄭眾盧植服虔鄭玄范寧吳澄八人各祀於其鄉申黨即申棖今從棖隆慶五年增祀薛瑄萬曆十二年增祀陳獻章王守仁胡居仁四十七年增祀羅從彥李侗崇禎十五年以張載程頤朱熹進位先賢列於東廡左丘明之下先儒穀梁赤之上以周敦頤程顥邵雍進位先賢列於西

廡先賢顏澮之下先儒公羊高之上康熙五十一年
進朱熹位於十哲之次

啟聖公祠在

先師廟後明嘉靖九年詔天下並祠

啟聖公叔梁紇舊為王爵今稱公以顏無繇曾點孔

鯉孟激配享宋程珦朱松蔡元定從祀萬曆二十

三年增祀周輔成

每於春秋二仲
月上丁行禮

一齋戒

正祭前三日獻官並陪祭官執事人等沐浴更衣

平彛縣志

卷之七

學校

六

散齋一日各宿別室致齋一日同宿齋所散齋仍
理事務惟不飲酒不食葱蒜韭薤不吊喪問疾不
聽樂不行刑不判署刑殺文字不預穢惡事致齋
惟理祭事

一省牲

正祭前一日執事者設香案於牲房外省牲畢遂
烹牲以毛血少許盛餘盤其餘毛血以淨器盛貯

祭畢埋之

具牲須要連
皮煮熟共祭

一獻官

本縣正印長官

一分獻官

本學儒職

一祭服

用朝衣

一瘞坎

依舊位庭設燎爐火炬

一祝文

維 康熙 年 月 日 曲靖軍民府平彝縣

平彝縣志

卷之天

學校

七

知縣某等敢昭告于

至聖先師孔子神位前曰惟

神德配

天

地道冠古今刪述六經垂教萬世茲惟仲春秋祇奉舊

章謹以牲帛醴醢粢盛庶品式陳明薦以

復聖顏子 宗聖曾子 述聖子思子 亞聖孟子

配尚 饗

啟聖公祝文

維 康熙 年 月 日 曲靖軍民府平彝縣

知縣某等敢昭告于

啟聖公孔氏曰惟

公誕生至聖為萬世王者之師功復顯著茲因仲秋

春

謹以庶品之儀致祭以先賢顏氏先賢曾氏

先賢孔氏先賢孟孫氏配尚饗

一祭樂

舊用八佾今六佾麾籥一面搏拊二面琴六張瑟

二張祝二座歌一座笙六把簫六管龍笛四管壎

二枚箎一管排簫二箇箏三十六枝翟二十六枝

平彛縣志

卷之七

學校

八

應鼓一面金鐘十六口玉磬十六箇旌節二柄舞

衣三十八件通十九事

樂章

迎神樂奏咸和之曲

大哉至聖道德尊崇維持王化斯民是宗典祀有常

精純並隆神其來格於昭聖容

奠帛樂奏寧和之曲

自生民來誰底其盛惟師神明度越前聖絜帛具成

禮容斯稱黍稷非馨惟神之聽

初獻樂奏安和之曲

大哉聖師實天生德作樂以崇時祀無斁清酤惟馨
嘉牲孔碩薦羞神明庶幾昭格

亞獻樂奏景和之曲

百王宗師生民物軌瞻之洋洋神其寧止酌彼金罍
惟清且旨登獻惟三於嘻成禮

終獻樂奏景和之曲

同亞獻

徹饌樂奏宣和之曲

平彝縣志

卷之七

學校

九

犧象在前豆籩在列以享以薦既芬既潔禮成樂備
人和神悅祭則受福率遵無越

送神樂奏祥和之曲

有巖學宮四方來崇恪恭祀事威儀雖雖歆茲惟馨
神馭還復明禋斯畢咸膺百福

望瘞樂奏祥和之曲

曲同送神

選舉

進士

明

成化五年己丑科張昇榜

張璉官至江西南贛兵備副使詳鄉賢

嘉靖八年己丑科羅洪先榜

唐時英歷官陝西巡撫都御史詳鄉賢

舉人

明

平彝縣志

卷之七

學校

十

成化元年乙酉科馬文榮榜

張璉

正德十四年己卯科施生榜

唐時英

嘉靖十年辛卯科李東儒榜

李朝用知州

萬曆十三年乙酉科莫與京榜

周應麒

本朝

康熙四十七年戊子科田國珍榜

王憲

武舉

本朝

康熙四十四年乙酉科高岱榜

馬之驪

歲貢

平彝縣志

卷之七

學校

十一

黃汝金

知縣

龔彥

張道

黃鶴 訓導

曹運通

陳堯道 訓導

熊配麟

縣丞

張應元 訓導

戴洪恩

張可聘 楚雄府教

曹宗嶠

訓導

譚國賢 天台縣教

張獻民 大理府訓導

翟會 衡山教

張一元

訓導

劉世敦 廣西訓導

郭維城

壽昌縣教

劉廷祚

李長春

戴景時

李如桂

戴景霄

李乾榮

戴景象

戴天胤

陝西教諭

鍾天佑

李三晉

陝西訓導

張必騰

李三捷

郭之巖

王大新

山東登州訓導

王仕新

周應麟

董祖舒

張守模

周鼎

平昇縣志

卷之七

學校

十三

胡來臣

張粹養

戴兆龍

夏大任

王璉

段高選

李桂林

李經

本朝

鮑繩廷

劉繼向

鮑佐廷

郭起龍

張銘

朱胤秀

董陳策

楊復元

伯承裕

戴明謨

吳峰

周仕堯

陳王前

劉光藜

施良懷

平彝縣志

卷之七

學校

十三

生員

明平彝衛 儒學廩膳生員二十名增廣生員二十

名歲科兩改每案取八名二年一貢

明亦佐縣 無學附府庠每案取三名康熙八年裁

縣附羅平州學每案仍取三名

本朝平彝縣 儒學廩膳生員二十名增廣生員二十名歲科兩攷每案取十二名二年一貢餼糧銀四十八兩

義學

縣城義學 草房三間

康熙四十二年十月知縣任中宜建

亦佐舊城義學 瓦房三間

康熙三十八年知縣任中宜建

平彝縣志卷之八

知平彝縣事於越任中宜纂輯

男 振芳校

典禮志

祀典

祀壇

刑牲燔柴王者之崇德報功也凡法施於民以死勤事以勞定國禦大菑捍大患與民所倚賴以取財用者皆得祀焉是故春禘秋嘗禮以秩之誠以通之以召致天地之和無豐於昵也邑屬之制肇自有明用享無祀之魂俾有所依而不為厲與掩

平彝縣志

卷之八

典禮

一

豁之令並致其仁焉事神治民國之大事非通於天人之際者孰能知其微乎祀典攸載壇址合昭作典禮志

祀典

啟聖公

先聖

先賢

先儒

文昌

魁星

名宦

鄉賢

以上以太牢春秋二仲上丁日祭

社稷 以少牢春秋二仲上戊日祭

風雲雷雨山川城隍 三主合為一壇春秋二仲上

戊日以少牢祭

厲祭 每年清明日七月十五日十月初一日祭無

祀鬼神

平彝縣志

卷之八 典禮

二

祀壇

社稷壇 在城西

風雲雷雨山川壇 在城南

邑厲祭壇 在城西北

社稷壇 祝文 維 大清康熙 年 月 日 某官等敢昭告於

縣社之神

縣 稷之神曰品物資生蒸民乃粒養育之功司土是 賴維茲仲春禮宜報祀謹以牲帛醴醢粢盛庶品

式陳明薦尚饗 風雲雷雨山川城隍壇 維 年 月 日某

官等敢昭告於 風雲雷雨之神

本縣境內山川之神曰維

神妙用神機生育萬物奠我民居足我民食今當

仲春謹具牲醴庶品用伸常祭尚饗

禮部劄付為祭祀本縣闔境無祀鬼神等眾事該

欽奉 皇帝聖旨普天之下后土之上無不有人無不有鬼

神人鬼之道幽明雖殊其理則一故天下之廣兆

民之眾必立君以主之君總其大又設官分職於

一府州縣以各長之各府州縣又於每一百戶內設

法如 此 天子祭如 此 祀典神祇及天下山川王國各府州縣祭境內山川

中無祀鬼神等第此事神之知道也如此尚念冥冥之

遭兵刃而同傷者有死於水火盜賊者有被人取財

而逼死者有被人強奪妻妾而死者有遭刑禍而

負屈死者有天災流行而疫死者有為猛獸毒虫

所害者有為饑餓凍死者有戰鬪而殞身者有因

危急而自縊者有因端崖傾頽而壓死者有死後

無子孫者此等鬼魂或終于前代或歿于近世或

兵戈擾攘流移于他鄉或人烟斷絕此等孤魂死

姓名泯沒于一時祀典無聞而不載此等孤魂死

無所依精魂未散結為陰靈或依草附木或作為

妖怪悲號于星月之下呻吟于風雨之時凡遇人

間節令心思陽世魂杳杳以無歸身墮沈淪意懸

懸而望祭興言及此憐其慘悽故勅天下有司依

時享祭在京都有泰厲之祭在各縣有邑厲之祭在

在各府州有郡厲之祭在各縣有邑厲之祭在

里又各有鄉厲之祭期于神依人而血食人敬神

而不知禮仍命本處城隍以主此祭欽奉如此今某

等不敢有違謹設壇于城北以三月清明日七月

十五日十月一日置備牲醴羹飯專祭本縣闔境

平彛縣志

卷之八 典禮

無祀神鬼等衆靈其不味來享此祭凡我一縣境
內人民倘有忤逆不孝不敬六親者有姦盜詐偽
不畏公法者有拘曲作直欺壓良善者有趨避差
徭靠損貧戶者似此頑惡奸邪不良之徒神必報
於城隍發露其事使遭官府輕則笞決杖斷不得
號為良民重則徒流絞斬不得生還鄉里若事未
發露必遭陰譴使舉家並染瘟疫六畜田蠶不利
如有孝順父母和睦親族畏懼官府遵守禮法不
作非為良善正直之人神必連之
城隍陰加護佑使其家道安和農事順序父母妻
子保守鄉里我等闔縣官吏人等如有上欺
朝廷下枉良善貪財作弊蠹政害民者靈必無私一
體昭報如此則鬼神有鑒察之明官府非謠諛之
祭尚饗

平彛縣志

卷之八

典禮

平彝縣志卷之九

知平彝縣事於越任中宜纂輯

男 振芳校

人物志

鄉賢 孝義 列女 上司

天之生人原未嘗以地限也故奇偉倜儻之士崛起而經邦緯國忠君孝親以身殉道者所在多有若巾幗中之矢志以貞臨大節而不可奪與鬚眉相映史冊豈盡出之名區耶至侏離之屬虎狼成性然懾於天威即雕題鑿齒罔不率俾凡茲蠢爾

平彝縣志

卷之九 人物

一

既就戎

贅簡末焉作人物志

鄉賢

東 尹

珍

字道直牂牁郡平彝人桓帝時自以生於荒裔不識禮義願從汝南許慎應奉受經書圖緯學成還鄉里教授於是南域始有學焉官至荊州刺史

晉

謝

恕

字茂理牂牁郡平彝人咸和間寧州為李壽所破有南中地惟恕不從獨保郡城以

事晉官至撫彝中郎將寧州刺史

明

傅

字紀圖牂牁郡平彝人仕至尚書郎長安令時號南中人傑

張

璵

字廷璧平彝衛人成化己丑進士授南刑

府遇事迎刃而解郡中翕然大治丁外艱復補

重慶治績卓異弘治初南贛閩廣彝寇為亂擢

江西兵備副使既至繕城池積糧糗練士卒修

器械設險隘防禦至七縣城堡人皆稱便偶與

當事論不合拂衣遂行於是盜復起江西巡撫

鄧廷瓚疏奏南贛不可一日無璵特詔留之璵

更築南康城新學校盜聞風解散尋以疾辭官

璵剛直不阿盤錯立斷墨吏斂手比歸橐中無

平彝縣志

卷之九

人物

二

唐時英

字子才號濟軒平彝衛人嘉慶己丑進士

履畝清丈凡六閱月得其平又疏陂塘興水利

會明年大旱民得以濟陞戶部主事歷員外郎

中學畫周詳為大司農所器重知真定府有水

鏡之頌晉貴州副使歷右副都御史巡撫陝西

時西虜為警烽烟不息英曰虜不足患患四鎮

不協心耳遂和四鎮復建奇策入告西虜果不

致為患邊鄙晏然御書忠勞二字賜之致政歸

置義莊周貧乏衣布茹蔬多所修建卒子祭葬

從祀

鄉賢

孝義

明

李騰龍

亦佐人有二弟前離襁褓父重賢將終騰龍號泣父曰善視二弟吾如生矣卒廬墓

備工養二弟教以讀書皆遊郡庠事母尤孝知縣雷其曾以孝舉年七十猶廬墓側

楊汝貴

亦佐人少孤且貧母劉氏疾望斗拜泣願以身代會有舞亂寨民皆逃母以疾不能

行汝貴閉門侍母不離竟未被害知縣李晉亨舉為孝子

李珍

亦佐人郡諸生父亡母文氏哭泣損目珍因齋戒終身不離左右曲盡孝養知縣趙

敦政以孝舉年近五十子孫衆多珍以母盲奉侍衣食親執不怠

李一鰲

亦佐人年十三母陳氏病危到股療之知縣房習舉以孝

平彞縣志

卷之九 人物

三

李益

亦佐人事無改

列女

明

張 濬妻馮氏

平彝人 濬邑庠生 卒馮守節不嫁 嘉靖七年 旌其門

李 文妻戴氏

平彝人 年十九 夫卒 遺二女 無子 姑欲奪其志 自經死 嘉靖二十二年

年有司 旌其門

楊德成妻李氏

亦佐人 年二十二 夫死 守節 嘉靖中有司 旌其門

張武成妻曹氏

武成 平彝 指揮僉事 早卒 曹撫其二孤 不嫁 以張氏婦終焉 未旌

本朝

吳 傑妻呂氏

傑客死 廣南府 呂矢志守貞 事姑以孝遠 涉千里 移夫襯 歸教子 吳

平彝縣志

卷之九 人物

四

峰成名 康熙三十七年 詔旌其門

土司

左縣丞

明

沙普頰

元時為亦佐縣首長洪武初歸附授世領縣事後以不法事降丞仍世襲

沙中玉

襲左土縣丞

沙正

中玉子襲左土縣丞

沙騰蛟

正姪萬曆中襲左土縣丞

沙運泰

騰蛟子崇禎初襲左土縣丞無子崇禎十三年削籍

右縣丞

平彝縣志

卷之九 人物

五

龍海

元時領越州事洪武十四年歸附仍為酋長世襲子

阿資

襲土知州屢叛洪武二十八年沐春等擒斬之削職以其地入流分屬鄰近州縣置

平彝越州衛以鎮之

祿寧

資之子永樂三年劉楊二戶引之入貢詔授亦佐縣右土縣丞以越州附近村庄與

之後駐亦佐縣與沙氏並為左右土縣丞卒子業嗣

海業

寧子襲右土縣丞業嗣

海潮

業之子襲右土縣丞以功加州判服色潮卒子宇定嗣

海宇定

潮之子襲右土縣丞宇定嗣

海文明

宇定子襲右土縣丞文明嗣明卒無子襲右土縣丞文

明卒無子姪現銀嗣

海現銀 文明之姪襲右土縣丞

海起龍 現銀之叔襲右土縣丞

海得明 起龍子襲右土縣丞

海自明 得明弟襲土縣丞

海潤 自明姪襲土縣丞順治十六年歸附康熙

職於竹園村不去十二年從吳三桂反授偽都司

箚使其長子海網乾出降

海納乾 納乾潤次子康熙三十四年改平彝縣士

管事三十九年隴氏死以潤妻隴氏撫孫管

平彝縣志 卷之九 人物 六

海一清 起龍元孫起龍生誠明誠明生海潤潤生

泰未襲故

海藏珍 康熙四十六年襲



平彝縣志卷之十

知平彝縣事於越任中宜纂輯

男 振芳校

藝文志

御製 議

奏 疏 銘

記 牒

引 詩

藝文之志所以光聖謨而揚風雅也然讀書好古之士每以闕畧為憾况前編淪落文獻罔徵洵可惜也若地處周行騷人相望其果吐咳珠玉烏能盡收之以八邑乘耶故惟撫其近所見知者備錄於左庶幾存什一於千百以待後之君子焉作藝

平彝縣志

卷之十

藝文

一

文志

御製

明御祭唐時英文

萬曆七年歲次己卯三月丙午朔十二日丁巳皇帝遣雲南布政使司叅政李良臣諭祭巡撫陝西都察院右副都御史唐時英曰維爾蚤擅經術蔚有才名奮跡制科筮官邑宰歷郎署而出典郡符躋臬司而薦更方岳靖共厥職所至有聲逮簡擢於撫臺俾保釐於全陝三建防秋之策克宣却虜之威尋指摘於

人言遂投閒於故里官守竟昭於國是清修益重於鄉評頃報令終夫復何憾爰嘉往績宜叙優恩諭祭特頒兆瑩兼飭惟冥靈之不昧其祇服以時歆奏疏

本朝

裁平彝衛疏

雲貴總督范承勳蘇公藩陽人

看得滇省都司衛所設自明時蓋仿古寓兵於農之意我

皇朝一統設兵置鎮在在控制軍民糧差同其輸應

平彝縣志

卷之十

藝文

二

已於康熙初年間先後奉裁曲靖等八衛中屯等十一所歸併各州縣又於康熙九年間奉裁在省左等六衛歸併都司尚存平彝大理永昌騰衝瀾滄景東等六衛楊林木密馬龍新安桃安等五所仍屬守千等員管理後因都司不便催徵復

題設左右二衛守備二員分管臣到任後即行該二司查議茲據布政使李世昌按察使蔣寅會詳稱衛軍既無防守之責又無調遣之例似不必更設官以糜俸食等因臣復行駁確查滇省軍衛地方寄居各

境則裁衛所以歸有司允屬相宜合無如該二司所
議將復設之左右二衛見存之平彝等六衛楊林等
五所裁去其田土軍餘即查各附近之州縣歸併管
理再都司一官原有通省攷成職掌今衛所既已盡
裁而留此空員似於名實未稱亦應一併裁去計應
裁都司一員衛守備八員衛所千總九員經歷七員
衛教授七員雖節省俸糈不過三千六百餘兩而冗
員既汰供費較省軍困稍甦其於
國計民命未必不無小補也

平彝縣志

卷之十

藝文

三

請給驛堡銀七錢三疏

巡撫

王繼文

廣寧人

看得滇省驛站錢糧准部咨支給全錢因係產銅之
地錢多價賤驛堡苦累難堪經前任撫臣石琳題
請仍給全銀部覆未允何敢再瀆但臣自到任以來
節據各驛堡員役人等紛紛籲訴批行驛鹽道僉事
王照查議茲據詳稱滇省驛站設居崇山密箐夫馬
奔馳倍苦他省而錢價又復甚賤每錢一千值銀三
錢不等再赴蒙自等局支領往返跋涉除駝運盤費
合算領錢一千止得銀二錢有餘馬匹無可喂養夫

役難供饘粥此項工料均屬計口授食請照兵餉之例

題給全銀等因前來臣查制錢壅積向緣鼓鑄未停今蒙

皇上洞徹萬里將滇省爐座盡行停止目今行使時值甚賤若將驛站仍給全錢則苦累日甚恐致馬斃夫逃難於整頓仰懇

皇上弘恩自二十九年為始照依兵餉之例准給全銀或照各省以銀七錢三支給俟全書頒到在於有平彝縣志

卷之十

藝文

四

驛州縣地丁錢糧撥給庶驛困得甦沾沐

皇恩於無既矣

籌請屯荒減則貼墾疏

王繼文

看得滇省每年額糧通共米麥等項二十六萬餘石而屯糧實居其半歷年供撥兵精關係甚鉅第屯田一畝之科幾納民田十倍之徵是以拖欠逃荒年甚一年臣自再莅茲土以來訪求民隱圖布聖澤惟此屯田一項最為漢民苦累近蒙

皇上沛無疆之德將康熙二十一年起至二十七年

止屯賦叅久錢糧盡行蠲免一時老幼咸懷再生從前重困始得暫釋但額賦豈容再寬輸將已無遺力臣再四籌維有老荒重額田地一項小民終年畏棄已成廢土若使減則賠墾尚可藉補虧懸行據布政使于三賢署糧儲道事永昌道叅議畢忠吉議將前項老荒田地凡係連年見納軍糧之人承墾者將屯田地之上中二則六年後悉改為民田地之下則起科屯田地之下則十年後改為民田地之下則起科以補賠累之苦其不係見納軍糧之人承墾者六年平彞縣志

卷之十

藝文

五

後將屯田地之上中下則悉改為民田地之上中下則起科仍令地方官量借牛種及出陳米石務使力耕有成至於民間荒廢田地其上中二則倣照豫省六年後係中則者照下則納過三年再歸中則上則者照下則納過五年再歸上則之例起科其下則田地請於六年後減半三年再照本則起科并承墾後即為已業用備貼墾事宜臣伏見

皇上愛民至德有加無已凡重農廣粟之例莫不一舉必使四海無不獲之夫九宇有益藏之富今

滇田地本屬磽薄屯民尤困追呼若以拋荒不墾之
田補其重額難支之累及民荒田地一概極力勸墾
不但正額可以充實新賦亦可稍增

請減屯糧疏

巡撫石文晟奉天
人

題為密陳屯糧之重仰祈

睿裁以廣

皇仁事竊惟經

國必先裕課體野端在足民故正賦自貴充積而民

瘼亦當痼瘵臣本庸陋世受

平彝縣志

卷之十

藝文

六

國恩蒙

皇上曠典以郡守末吏不次優陞

特簡滇撫叨此邊疆重任敢不竭盡駑鈍以報

高厚故自蒞任以來諮詢地方利弊體察吏治民生

其間之生聚殷繁安藝樂業熙熙皞皞如入時雍之

世此皆

皇上聖德滂流所致惟是猶有重困於民者不敢不
以上聞也查滇省屯政因明初沐英世鎮雲南將帶
來官兵分作十分以三分差操七分屯糧即以七分

屯種之租以養三分操軍此即古之寓兵於農原非上倉糧米可比迨我

朝定鼎順治十六年闖滇吳三桂遂將昔日之租改為額徵之賦及後變亂之時周恤民艱任意坐派致使各軍紛紛逃竄因而遺累存丁典鬻賠納苦難殫述幸賴

皇上天威殄逆民得安全但浮糧過重仍困輸將計恢復之後自康熙二十一年至二十七年屯銀米穀等項歷年拖欠非軍戶敢於頑抗亦非各官不善催

平彝縣志

卷之十

藝文

七

科總因糧額太重血比難完業於康熙二十八年内經前督臣范承勳署巡撫時特疏題請分年帶徵隨蒙

皇上特頒

上諭朕念雲南百姓前曾供億王師繼又遷移叛屬家口運送勞瘁本年正賦輸將尚屬艱難復令帶徵逋租必致益滋困累着將歷年所欠屯賦銀七萬二千二百餘兩米麥等項十萬七百餘石盡行蠲免以示朕軫念民生至意欽遵在案則彼時

題請帶徵早蒙

聖恩隆重悉荷蠲除是此項屯糧徒有重額之名並無清完之實歷歷可攷久在

皇上睿鑒中矣况各衛所久經裁歸有司是在前日猶存軍戶之名在今日則無軍民之別一切徭役自應一視同仁乃查通省民賦上則田糧最重者莫如河陽縣每畝八升一合八勺三抄其餘五六升以至四五合而止上則地稅最重者亦莫如河陽縣每畝五升九合二勺一抄其餘三四升以至二三合而止

平彝縣志

卷之十

藝文

八

及查屯田每畝則有七斗二升六斗八升五斗六升至四斗五六升不等屯地每畝亦有三斗八升至一斗五六升不等夫軍民田地阡陌相連肥磽相若天時人事耕鑿播種亦無不同何至輕之屯額比至重之民賦尚有四五倍之數若較輕額則屯賦與民賦竟有十倍之重所以屯軍終歲勤動種收之穀不遑瞻顧父母妻子惟事納糧而究竟不能以一畝之出全完一畝之額故康熙二十八年臣叔石琳撫滇時曾於奉

旨編輯全書案內將此屯糧重困叙入瀝陳未經部覆而以後督撫臣未敢復請者蓋以

國用浩繁豈容遽議輕徭况各省屯糧皆重猶不敢獨為請減是以前撫臣王繼文不得已於康熙二十九年有屯荒減則貼墾之請也但江浙等省屯軍現今領運且有船隻行月漕截等項給贍滇省屯軍則無此項贍養兼之衛所既裁軍即是民則與別省迥異况此軍戶係沐氏帶來官弁並非發遣有罪之軍所納正供似應與民一體矜恤臣於康熙二十二年平彝縣志

卷之十

藝文

九

守開化時早已深悉今撫茲土見煙竈相連林林總總生聚實繁大非昔日氣象此雖邇年以來前督撫臣撫綏之力實沐

皇上柔遠弘恩所致惟此一項因吳逆作亂時各軍多半逃竄殲逆之後前此逃丁或遭兵火或戀他鄉間未回里以致遺糧賠累本以最重之糧又復包賠逃戶日復一日重復更重故於康熙二十八年以來仍舊歲歲不清每遇

奏期各官俱愛功名竭蹶借墊者有之以欠控完者

有之一遇陞遷事故便束手無策百計哀求逢人募
助洵不可悉數也臣自入境以來目觀荒蕪田地甚
多百姓甚眾及抵任後披閱各屬詳驗報墾無幾隨
行飭催旋據百姓紛紛具呈迹糧額過重無力開墾
懇請

題減復批司道查詳所議僉同總欲為民請

命臣思減賦薄稅非臣子所敢輕議祇因多寡之數
甚是不侔苦樂之形異當各別今我

皇上恩同天地德邁唐虞頻年蠲賦不惜數千萬金

平彝縣志

卷之十

藝文

十

是恭逢

聖明在上今此民隱若不據實上達負百姓即負我
皇上矣况滇省僻處遐方係外域觀瞻之地不得不
冒昧陳情如荷

聖恩將此屯糧悉照河陽縣則例起科不特現在軍
餘易於輸納即未墾荒產臣自鼓勵各官加意勸墾
亦無有不踴躍樂墾者也仍將墾過數目隨即具報
按年科徵是減賦於今日安知不增賦於將來也理

合恭疏

題請但發政施仁端望

皇上特霽洪恩臣何人斯敢以瀆

奏謹具密本如果窮蹙可採伏乞

皇上特頒

上諭或令臣等會查或

勅部臣議覆則九州四海無不頌

皇上端居深宮之中明見萬里之外共樂被

深仁厚澤於靡涯矣至此項額糧如邀

恩減而通省兵食或有不敷則現有本省折徵米麥

平彝縣志

卷之十

藝文

十一

等項可以仍徵本色撥給似可毋庸睿懷也再查

題奏事件如不應密而密者有干定例但此邊疆減

糧重務相應密請

皇上睿裁字多逾格賠黃難盡可否允行伏乞

聖明全鑒立賜

乾斷施行為此具本謹密題請

旨

康熙三十四年五月初一日具題六月二十日

大學士伊桑阿阿蘭泰張玉書學士戴通可赫

禮齊穡顧藻徐嘉炎張榕端以本折啟奏奉
旨伊所奏本內止言屯田雲南省有官田公田馬場
等項伊本內並未指明此等田地有無在所奏屯
田之內又此等田賦若行減額照民田則例徵收
雲南省應給兵糧可否足用爾等以此行交詢問
石文晟令伊詳悉籌算明白具文回覆欽此 內
閣照會巡撫作速查明具覆可也

請設平彝縣治疏 康熙三十四年十一月 王繼文

看得滇黔兩省乃極邊之重地臣蒙

平彝縣志 藝文 卷之十 十三

皇上隆恩陞授總督任大而責重夙夜兢兢無由報
稱凡屬兩省政事臣惟竭盡愚誠俾網舉目張以仰
副

皇上柔遠安邊至意所有平彝縣治之設謹當特疏
陳情者也查平彝為滇黔接壤四外蠻藪而中則要
道也舊係衛治設有守備經歷教授等官康熙二十
六年內前任督臣范承勳將全滇衛所議裁而平彝
一衛勢難獨留是以一併題請分歸別屬在案誠有
見於多一官則多一費冗員不可不為節省但自裁

衛以來案據士民董陳策陳王前等籲請設縣以資
彈壓又因彼地遼濶狡彘出沒不當奸民往來最雜
自平彝上至滇之霑益州下至黔之普安州共計四
站約遠二百七十餘里竟無印官居中分守凡軍需
政務餉鞘逃人等項需員接應每委曲靖府通判赴
彼料理顧此失彼究非印官當任其責者可比兼之
普安等處界聯平彝向食滇鹽或可無分彼此今蒙
皇恩遠播改食川鹽若無印官督率捕役於衝僻路
徑分頭巡緝則滇鹽味苦價貴川鹽味厚價賤小民
平彝縣志

卷之十

藝文

十三

喜賤惡貴私相買食不特川省私販乘間入賣即滇
省私販亦將乘間出買兼恐附道蠻彝勾引生事漸
成聚訟之場問之弁兵則防守難周間之州縣則稽
查甚遠滇省黑井數萬課額較前更恐難銷此平彝
縣治之亟宜請設也彰明較著矣茲據布政使于三
賢按察使佟世雍糧儲道副使張仲信驛鹽道副使
于嗣昌提學道副使張倬等會詳委員勘明將平彝
舊額仍舊歸還并將附近羅平霑益二州徵收之亦
佐即中下伍兩營勲庄余家堡等處改歸共徵夏稅

秋糧正耗麥米一千七百六十四石五斗八升零共
徵丁差等銀一千三百二十九兩七錢七分零商稅
銀一十四兩九分零在他省固屬小邑在滇省實為
中縣等因造冊詳請前來合臣所議均屬相符相應
恭疏題請將平彝廢衝賤為平彝縣治設知縣一員
典史一員訓導一員鑄印銓補其多羅驛原在平彝
城內并請將驛丞裁去歸縣管理平彝縣學照依中
學進取文武童生各十二名以為育才廣教之治如
是則地方永得安靜蠻彝有所備服私販無由侵擾
平彝縣志

卷之十

藝文

十四

蓋課免致壓欠且於滇黔出入咽喉重地藉有印官
分守邊方不無裨益再照學宮衙署等項尚有原屋
臣等自當捐修合併聲名除將設縣事宜造冊送部
外臣謹會同雲南撫臣石文晟合疏具題

重修平彝衛學記

平彝衛 張全斌 雲南
教授 人

粵稽天地鍾芸生而獨畀靈於人毓群黎而必萃精於聖以聖人能成人成物而贊化育之所弗能為者也故生數聖人於始養欲給求民得以遂其生安富壽而治統以昭生一聖人於後開厥心思民得自見其仁義禮智而教統以著此素王之所以有裨於民物有功於群聖補救於乾坤者也雖文明之運昉乎羲軒繼以二帝紹以三王而道脉相傳但吾夫子出有其德而無其位易治統而為教統闡庸道叙彝倫

平彝縣志

卷之十

藝文

十五

還人心於淳厚勢處群聖之所甚難功為萬古之所獨絕凡有血氣心知者罔不服其風喪其教相安於君臣父子之間潛移其性情入於善治而不自知甚矣哉聖人之弘也與天地而相終始者也是以有教養斯民之責者靡不修崇廟典以彰風化為生民之攸賴也平彝為入滇首衛學肇於明人文間出疊因兵燹廟宇傾欹人才失其教育士習未克丕揚茲值督撫會題修葺滇黔各屬文廟平彝獲遇綏遠大將軍雲貴節制使蔡公毓榮按臨荒衛見廟埋衰草座

籠飛塵捐金五十重修舊址藩司李公世昌捐金二十郡侯柳公景芳捐金十兩共襄厥成通學庠生成出銀米兩所軍民各助工役衛守張祖淳捐金二千經驛斌各捐數金管理方之泰竭力贊襄故雖米獲烏革輦飛竹苞松茂而草創有基俾從之君子得以講學於斯習禮於斯黎老快其觀瞻小子得以有造皆大將軍之作人也大中丞之振興也藩司郡侯之裁成也故記其巔末為後重修之君子勸

平彝縣志

卷之十

藝文

十六

清溪洞記

明副使張敦仁麗水人

清溪洞去平彝僅五里洞去溪僅百尺然平彝溪流以百數而此水獨清故以名溪洞亦因以名云洞東向右一小出斜掩故遊人至洞僅咫尺猶未得見磬折而入洞始豁然洞門高十餘丈濶似之洞之內其平若堂可坐百客再折而上其高若臺可坐數十客臺之後一洞深窅洞口則石乳垂垂各極天巧而當中一石下垂至地其色微白若玉柱然洞之內多怪石有似鯨者有似虎豹者皆作外奔狀詢之士人謂

此洞深不可測中有石如几如榻如鐘鼓叩之有聲
欲如觀非連茆不可予曰此豈神仙宅耶塵鞅中人
不得為神仙辱故弗入洞之左別有洞勢頗低窪可
容數百人稍後勢漸高怪石峻嶒如憑虛樓閣好奇
者每攀蹬而上又其上為絕壁有穴如小籠一僧跌
坐其間短衲穿結括之下乃下麾之上復上輕利如
猿猴人咸異之嘗謂雲貴之水多伏流水所出入而
洞因之故未甚稱奇此洞迥出山椒若神劈鬼鑿非
他洞比奇哉平彝去滇數百里去京師又萬餘里地
平彝縣志

卷之十

藝文

十七

愈僻洞愈隱人跡鮮到而洞之名未甚章章也惜也
時同遊者大叅高泉謝君憲僉一江梁君閻師裕庵
趙君皆有事茲土而叅戎魯峰曹君則鍾靈此山者
也副使白出張子以齒僭長故為記云

清溪洞記

南寧程封休寧人

黔入滇之六十里有城曰平彝去城三里許有清溪洞傳者謂洞下有溪溪水流入此獨清故名焉洞日軒敞初入若堂可坐百人再上若臺可容數十人有大石壘壘下垂若柱柱以內幽闕不可入遊者淺視之謂觀止矣順治庚子十二月予隨郡守李君司馬俞君別駕陸君遊焉望洞中不知其淺深之所至遂勃勃心動欲往入不果明日復遊命土人執苴鄉導先入予隨郡守諸君各多携吏胥僕從奮勇以行不平彝縣志

卷之十 藝文

十八

數武洞勢陰閭羣火無光予生怖悸不欲入奈前後左右皆怪石峻嶒中通一線兩人相牽後人踵前人履跡援引而上前人隨土人火光因得縱觀所謂石床者石几者石田者石塔者笋者銳而出為虎牙也者尖而背為熊耳者角而嶽為牛首者冠而峭為雞頭者奇形怪象不可名狀再入里許旁一小罅僅可容一人偃偻屈曲而入若石級然中若堂若廡門戶垣壁俱備郡守曰此仙人修煉所也天造之巧非五丁之力所能鑿成行到石巖窅察之際又以觀止矣

土人云尚十餘里與紫泉洞通遊人畏險難不欲入
及出土人謂旁一洞上有石鐘石鼓在焉急命更百
尋至其地皆石笋垂十餘丈持石叩之噌吰有聲雖
鐘鼓之響不能亂也再出又見石柱悉自平地岷然
特起似有骨氣入決無阿附其石之高者仰視在十
餘丈上非絙索扶挾不可得而登也因思不鐘山記
云事不目見耳聞而臆斷其有無可乎予小視天下
以為茲洞中於天下不僅用於滇也而未嘗見稱於
昔之遊者豈昔人盡皆皮相即一山亦必待入而得
平彝縣志

卷之十

藝文

十九

名耶予從郡守諸君驚訝久之時荏火漸微曠然得
明暄笑而出

募修平彝衛學引

平彝介於滇黔門戶之區其立學不知其所自來大
約數百年前事也前人創之甚易後人修之甚難自
予入官之後常以迎送過境上見聖廟飄搖於風雨
傾圮於荆榛瞻視環繞嘆息咨嗟而不忍去者於茲
五年矣平彝有衛衛有幕衛幕梁君走函索予為序
意在修舉廢墜崇敬祀典予向竊難之難之者何也
平彝連年水旱諸士子家無積儲是救死不暇其難
一修學之舉非大興工匠廣羅木石則事不可成平
平彝縣志

卷之十 藝文

二十

彝四面環山木石易採求之工匠誠罕其人其難二
衛學裁去學師歸併南寧令攝之南寧遠在一百五
十里之外今之所議誰董其成其難三雖然百姓小
人重財輕義不知聖人之尊六經之大將視學宮為
可緩可急之務是固可以不修今
朝廷治平

天子聖武滇南處在萬里之遙平彝又當戎馬之衝
正宜粉飾學宮振興文教銷反側於禮讓之中弭禍
亂於猷酢之內是固不可以不急急舉行也夫孔子

不嘗封文宣王乎假令孔子至今尚在應以王禮事之而使其有位無屋甘心敗露於瘴霧蠻煙之下非禮也孔子不常春秋二祭乎如子孫之祭其祖父也為人子孫而使其祖父之廟毀而不修則是北面跪拜皆虛文而非至敬子孫孝慈者固如是乎且昔之難而今易矣今年年歲順成士子易於捐助年既成矣工匠之遠者易於鳩集平彝學篆仍歸平彝又易於董率生徒而更新之倘此時而議者曰平彝殘劇困憊之餘其力斷不能以議及於聖廟則是終無修平彝縣志

卷之十

藝文

二十一

舉之日也予執筆而歎焉

在城等十堡歸驛議

鹽驛副使郭廷弼盛京人

看得驛堡之設其名雖殊其事則一前有驛丞張魁耀等因造報奏銷冊籍將各堡給支工食銀兩附在各驛項下又給支領狀必用驛記鈐蓋誠恐支領錢糧則係外委之堡官管轄遇有舛錯失事則叅罰又在部選之員代過所以驛丞張魁耀等有任勞難以任過乞賜歸併之呈也蒙批查議本道謬議目今差使漸少非往昔軍務浩繁支應不暇者比若以堡歸驛各該驛丞可以兼顧而責成又專或無互諉之擾

平彝縣志

卷之十

藝文

二十二

遵奉憲批當即轉行雲曲二府確議妥報去後今據兩府詳稱向因滇中

王師克復之初軍務旁午驛遞應答繁劇肩其任者不無掣肘分應之虞今已蕩平三年所需夫馬循序而來以堡歸驛已屬裁冗員而成畫一當無南悞惟是新經歸併只恐驛官支應不均朘削滋事堡軍未必相安應請嚴飭各驛出具印結報查務須秉公發給工食不得以夫代馬應差俾堡軍欣然効力無悞庶使謹慎從事不致立法而弊生等因前來應如雨

府所詳俯將在城等拾堡歸併滇陽等八驛驛丞張魁耀等兼管務令秉公勤慎約束軍餘應答運送仍取具印結不許徇滋擾貽誤風火如有尅減工食及以夫代馬應差等弊一有不公定行詳報究處可也

康熙二十三年七月總督雲貴部院蔡毓榮批既經府議僉同如詳行仍將某堡歸某驛造冊同結報查雲南巡撫王繼文批既經再議無異如詳行倘此後各驛以夫代馬及任意騰那等

弊不行覺察亦惟該道是問也

明唐時英墓誌銘

李元陽大理人

公諱時英字子才濟軒其初號也里居號一相居士先世湖南人高祖玄二公以戎籍徙自辰瀘遂世居曲靖之北關曾祖義妣楊祖洪妣鄭皆隱德不顯考經封主事妣伍氏封太安人生公甫十餘歲能屬文治尚書日誦千言嘉靖己卯舉於鄉己丑登羅洪先榜進士授平陽縣知縣始至問民疾苦惟賦稅不均大為民病公銳意以履畝量田為己任白於大府大府曰此美政也其如豪右何公曰天子以百里人之命付臣當盡已命以圖之於是不辭怨謗不避險難暴於烈日中面汗雨滴不以為勞首尾六閱月而一縣之田腴瘠高下無不得其情矣冊呈大府深加讚歎遂成不刊之典縣有陂塘歲久淤淺公度田興役富無巧免貧不獨勞儲蓄有則啟閉有期明年大旱果得水利隣縣所獲劣於平陽百姓以公為神君焉乙未授戶部主事委理通倉時新革內官出給皆由主事公與諸僚盟曰今日之事同舟共濟時也苟二三其德狐鼠將乘吾之隙矣時內官方偵伺以中之

一年之內秩然有理井然有條官軍使之竟無異議
通倉至今守其法而不移再委榷稅九江俸薪自給
襟度蕭然取前人雅語揭之庭柱曰寬一分民受一
分之賜蚤一刻舟行一刻之程以此自勗常目在之
雖賓旅燕飲酬應紛然終不以彼而妨此也其年改
課以公為戶曹最丁酉 皇太子生推恩得封父母
及本身文林郎妻張氏安人已亥晉員外郎督理銀
庫前官下錦衣獄人為公危而公始終擘畫如法雖
毫釐無不詳且盡焉大司農深器之庚子晉郎中辛

平彛縣志

卷之十

藝文

二十五

丑拜直隸真定知府時虜犯井陘真定屬邑也先是
總兵未稟方畧調度不前公至示以所應趨避兵未
動而虜遂遁去人謂公之先聲有以卻之真定名雖
為府實則直隸之劇藩也况地在要衝政連畿甸朝
言於戶暮傳於京居是官者率多為蜚語所中公居
之坦然不執不隨庶務之來立加裁決出納錢穀纖
毫無爽訟無留獄案無滯贖賦去其私徭省其冗在
任三年凡膺十薦神明之飯水鏡之頌兒童走卒莫
不知之公去三十餘載人之稱之有如一曰甲辰晉

貴州按察副使便道省覲二親榮壽喜不自勝擬上
疏乞休二親勉之曰汝為憲臣能忠於國即克孝於
家矣豈有二道哉公不敢違乃之任丙午丁母憂遷
貴州參政丁未接父憂服除補河南辛亥遷浙江按
察使壬子遷山東右布政癸丑遷陝西左布政敷歷
所至輒著賢聲公為人介潔端莊坦夷樂易及其臨
事破姦發伏逆見隨決如逢蒙之射方逆之占無一
不中君子愛之小人畏之以此甲寅秋套虜烽警致
厓西顧上問冢宰須沉毅才畧之臣為之冢宰以公
平彝縣志

卷之十

藝文

二十六

對遂晉右副都御史巡撫陝西時公已久於其地熟
悉時事謂諸監司曰虜不足患患四鎮不協心耳今
宜先和四鎮遂飛檄馳書要以必從四鎮果來虜遂
退聽公於是一志防秋他無所事在位三載邊鄙晏
然例應給由會旱災地震不敢遽去公退之暇稍延
儒士野老談玄講道言官論其倦不負其勞許留京
用而公歸矣戊午夏至家衣布茹淡散髮不櫛足不
出外戶耳不聞塵事滌除機心容養淳淑方其在位
雖鞠躬盡瘁不敢少懈而以適為得以足為至固已

幽結於林中驟感於遐心為日久矣萬曆乙亥春命
子熙載具棺槨衣衾擇葬地乃為祭槨文有丙三二
十五之語不知其所謂也明年三月二十二日公不
食但飲水子孫泣勸不聽二十五日逝

牒

驅虎牒

竊惟

朝廷建置郡縣原以禁暴安民故吏與民最親疾痛必救豪強必鋤城隍神亦猶是也城隍之爵與縣令埒其土與縣令同莅所異者陰陽之隅耳而捍災禦患神尤有力焉平彝古荒服地介於滇黔之交

今上始詔立縣以奉宣教化善者勸惡者懲民咸雍熙於化日光天之下何意蠢爾猛虎離其巢穴負我平彝縣志

卷之十

藝文

二十八

郊岵晝伏夜遊吞噬村落宰民不安矣近復偏人城郭踰垣傷人氏益惶惶日未沒而掩扉客將行而躑躅以

聖天子聲教四訖威德遠播之世而可容此噬人噬物之暴類與其間哉

中宜

與城隍神皆難辭其責為

此移牒尊神祈為大振陰靈凡我境內猛虎期於三日內驅逐入山毋令復入村落其曾傷人者照殺人抵命之律亟為冥誅以正法典若神力不及此

中宜

將命我山虞挾弓矢操戈矛而與虎從事神其默相

克稱職守益昭神之靈應謹告

間閱古良吏傳而見虎渡河涉江事心竊異之乃不令其捕之而虎伏厥罪登封簿移文嶽神而虎斂爪歸山則知莫猛于虎而亦未嘗不休法而惕威也我

山陰任老夫子令平彝之五載吏畏民懷善勸惡懲真信孚豚魚而口碑載路矣壬午八月山村有虎三五為群噬畜產間至啣人我夫子計召虞人搏之轉念弓弩兵衛駭人耳目且恐負嶠之威或

平彝縣志

卷之十 藝文

二十九

至傷人于是致齋移文縣城隍之神令陰為驅除牒後三日虎果潛踪斂跡縣之人咸頌夫子至誠感神福我無疆誰謂古今人不相及哉吾因之有感矣莫蠢于物莫靈于人昔孔子過太山之側聞婦人之哭而曰苛政猛于虎夫政人之為也而猛于虎殆楊子雲所謂虎而翼者乎彼殘自性生雖日呼天籲之而亦未必肯悛也若夫子之知有虎而必欲驅之神應如響其心與政之仁孚于冥冥不于此見一斑耶

孫士寅

號義賓浙江錢塘人己
卯舉人平彝縣知縣

生平慕名山嘗欲遊五岳何意小洞天窈窕近城郭
大塊本無私吾心欣有託維時春始和滿路生蘅藹
風前桃夭夭雨後柳濯濯神開步逶迤興發身矍鑠
出門無二里天清聞雨雹豈知清溪水石激勢噴薄
隔岸見亭臺欲去度畧約歷歷翠微中丹巖藏洞壑
得非巨靈劈無乃五丁鑿始入頗幽靚坐久轉寥廓
匝匝搗穹廬屢屢張幃帷天光似鏡圓皎皎穴中落
陰竇虛白生陽巖空青撲香靄散成霞縹緲結樓閣
平彝縣志

卷之十

藝文

三十

地靈多芝茵境靜少鳥雀紫藤影歲蕤蒼蘚色斑駁
巖空玉雕鏤泉細珠錯落金莖擎巖窟瓊液迸銀酌
苔衣和雲補石髮隨風掠禹糧既可餐魯酒亦堪酌
僊境恣翫麟塵懷消齷齪探奇不厭深乘興復踴躍
洞門深且黑幽閤難捫摸未行先燃炬欲下更絙索
凹凸杖一筇彳亍憑兩屨層層蜂入房曲曲蛇脫殼
因愛巖穴佳那惜軀體弱奇形與詭態觸目成驚愕
或如虎豹蹲或如獅象搏或宛若蛟龍或飛若鸞鷲
或掛若獼猴或擊若鷓鴣或如大明宮文武盡儼恪

衣冠列房社劍佩懸褒鄂又如將登壇壁壘結繹絡
手執鐵如意三軍任麾霍或前若相近或後若相却
或竦若相持或怒若相提或如蓬萊島群仙遊廣漠
得得跨青牛翩翩騎黃鶴又如給孤園一鉢手自托
上看祖右肩下看赤兩脚或如登太常伶倫陳雅樂
或若張琴琴或若執管籥噲若鐘鼓清越若磬鐸
投石一叩之衆音翕然作又如入武庫森森皆可擢
或攢若戈矛或排若刀稍或勁若弓弩或鋸若鋒鏑
或長若幡幢飄揚隨地卓或直若浮圖琉璃光灼灼
平彛縣志

卷之十

藝文

三十一

或如燕子龕或如蓮花幕或如金出冶或如玉在璞
或披若袈裟或垂若瓔珞文采若錦綉顏色若丹堊
絢爛若繪畫玲瓏若追琢綿綿若膠粘齒齒若刀斫
琅琅若竹節簇簇若花萼鬼鬼高不陸纍纍顛不仆
千鈞重難扛一拳輕可握形象難具陳聊復舉其畧
乃嘆造化功豈同匠人斲石梁無人居有水長不涸
石門無人叩有禽來剝啄石室無人居有跡深如削
石鼎無人守有草皆靈藥石樽無人飲有架掛瓢杓
石田無人耕有禾似錢鏰躊躇復四顧目駭神亦噩

我聞混沌時二儀尚渾樸升者皆清輕降者乃重濁
或峙為嵩華或流為河洛維滇古繳外六詔盡熨熨
彩雲未現時開疆實莊躋昆明波浩蕩太華峯翠峒
金馬與碧雞形勢頗卓犖豈知彈丸邑山川亦不惡
而我來作吏甫至苦寂寞如獸落陷穿如鳥投繒繳
既傷沈約瘦復患齊侯瘧民不樂追呼我亦鄙敲扑
祿少等庸書官卑同擊柝兀坐一室中跼踖似尺蠖
忽聞有靈境如踐三生約鼓我膝上琴揮弦神渺邈
携我案前書展卷胸開拓出我匣中劍舞罷光閃爍

平彝縣志

卷之十

藝文

三十三

載我床頭酒舉杯興磅礴野蔌摘滿把山泉引盈勺
精神得飛揚筋骸免束縛弗復念圭眠蘧蘧夢方覺
朝出暮始歸不惜往來數弗復念圭組詎肯顧囊索
神如遊蓬瀛地已忘邛笮豈惟疾病消長生亦可學
浮沉水上萍聚散風中箨功業真芻狗文章空糟粕
富貴等浮雲斯遊誠可樂作賦擬天台聊以繼孫綽

五言律

入滇

張時徹

號 浙江鄞縣人
進士 雲南按察使

天邊乘傳客歷險到殊方
草長知烽息民流屬歲荒
巖花薰澗壑木葉墮衣裳
何事秋風起愁看白髮長

又

山路日多雨我行猶未休
碧溪雲不定青草瘴仍浮
客久旌旄落天空鶴鶴秋
卜居何以賦長嘯攬吳鉤

平彝衛

平彝縣志

卷之十 藝文

三十三

彭而述

號禹峰河南鄧州人
進士 雲南布政使

路入芳華縣溪邊忽有村
環山簇石笋拔地起松根
苗女鷄窠課猓翁燕麥屯
喇麻罽內酒何必讓金罇

滇境

吳自肅

號克菴山東海豐人
甲辰進士 雲南學道

纔入滇南境雙眸分外明
諸蠻環秀色芳樹帶文情
亂後民風儉秋來野氣清
相看初攬轡何敢負生平

平彝

不寐中宵起遙看欲曙星
雞聲方度水豹霧又充庭

數里霞舒紫千層嶺放青奇儒環道左何以樹儀型

晚進滇南勝境

蔣廷銓

號璞山江南長洲人
雲南昆陽州知州

行盡黔陽路南中自一天僕夫力愈勁稚子喜從偏
落日留殘照疎林起暮煙旅吟猶未懶回首意茫然

袁文亮

桃李花開日枝枝色又新正宜貪樂事何遽作行人
娉娉渭城柳勞勞灞水輪古今同此憾攜手且橫茵

平彝縣志

卷之十

藝文

三十四

又

文章相見晚氣誼問交初一日乍言別長懷應有餘
出疆惟憶友下榻止觀書重叠情難話僕夫已策驢

又

去年春月至今歲又春遷車馬青郊日蒹葭白露天
心從樽下約書自鴈邊傳莫作離情看相知應有緣

又

未斟言別酒先實別中詩我去原無意尔還却有思
雪深堪代烛風冷莫披帷相許真相望殷殷此一卮

又

雙穗橋邊別此情倍可憐山容分面背河勢限黔滇
策馬心仍戀懷人意自睽不堪回首處遙聽水潺潺

平彝縣志

卷之十

藝文

三十五

詩五言古

平彝

何景明

字仲默河南信陽人中書舍人

滇南八月中綠林何萋萋居人亦相輳數里聞鳴雞
路轉無詰曲山行少攀路回瞻貴陽道咫尺蹊壑迷
又

夜半平彝館風悲氣始悽月光皎東壁白露寒蟬啼
憑高視中原但覺眾星低長路心益壯浩歌天之西

七言排律

平彝老人

何景明

平彝老人髮兩肩
哀哀訴語淚如泉
時收斗粟輸田賦
日向諸隣乞米錢
風雨饑寒趨路側
子孫流落避兵年
青春有伴難還土
白首無家尚戍邊
官裏征徭何日已
軍中苦樂古來偏
魂驚戰鼓心猶怯
臂中飛弧肉盡穿
獨去負戈巡夜砦
誰來銷甲種春田
敢愁溝壑填衰謝
只擬封疆息燧煙
我願麾前法唐將
籌邊有策到今傳

平彝縣志

卷之十

藝文

三十六

五言絕

平彝道中

何景明

崖懸雪自薄
山小路仍斜
古陌蒼松裏
參差幾樹花

邑侯任公去思碑記

舉人 王憲 平彝人

公諱中宜字弘文號懷庭浙之山陰人由歲貢來宰吾邑吾邑新治也康熙乙亥冬

大府以地當滇戶請于平彝廢微置縣益以亦佐故地

詔曰可丙子夏姑蘇趙公履任未幾而去諸不遑理乃邑當除舊事維更新不有治人以立治法其何能濟戊寅秋我任公來莅下車之初見土宇荒殘人民凋敝亟進諸父老咨其利病願一切與之更

平彝縣志

卷之十

藝文

三十七

始邑中人亦喁喁然仰維新之化公年富才敏加以勤暮年而政和人悅請于朝邑篆之頒自公始也初賦稅官無細籍輸將聽書算生操重輕公親為科綜之宅尔宅田尔田飛詭弊絕矣城垣歷久傾圮公鳩工庀材焚以磚石門各豎樓三楹以壯圍堵觀山川為之改色公以禮讓之不興由學校之地也方今

聖天子崇儒重道文治光華平雖巖邑寧鮮忠信宮墻鞠為茂草可乎爰除荒穢新殿廡峻門墻春火

獻享歲時課誦足以妥

聖靈而育英髦已又閔子弟之不學而竄貫人多也
創義學損俸延師申冒籍之禁甄拔寒士入庠者
百人朔望躬詣講所宣

聖諭民知向化若決訟也虛以求其情明以燭其偽
片言立折人不敢欺草生囹圄歲不過二三十牘
噫何其良哉先是平俗多輕生睚眦小隙動輒自
盡其命以相讎害公悉其奸不予理於是邑中絕
無投繯赴水之惡習有鄉蠹煽訟惑民者公桎梏

平彝縣志

卷之十

藝文

三十八

之而坐諸嘉石德而化之威而惕之息事寧人殆
未有過之者地當滇黔之交為宵小淵藪莽伏探
丸行旅苦之公明禁令嚴保甲盜賊屏息良民販
賈卧始貼席矣最難馴者擺狎公示以威信膏以
寬仁椎髻被糴之輩在在膜拜而頂祝且性澹泊
不妄受一錢人或以苞苴謁者斥却之下猶面赭
而心忿其私廉而有守清譽徧滇之東西迤焉往
者虎出入村郭殘人噬畜居民恐怖公手為疏牒
神三日而虎屏跡偶遇旱潦公禱之而

上天輒應自戊寅迄丙戌時治年豐家給人足咸謂公之德厚所致云

大府稔其賢能壬午歲權馬龍州篆甲申歲權尋甸州篆兩州士民戴其惠愛咸樹豐碑以頌而循良之聲聞噪人寰凡見見聞聞者莫不引領望曰安得任公一來而活我乎他如修城隍祠以事明神建鐘鼓樓以培風脉捐金而供億使節公出而募夫從行養老慈幼革陋剔奸鋤強梗正風俗闢土地招流亡修道路勸農工善政難更僕數也兼

之孝友成性禮義律躬身先為治風行草偃而仕優則學手日一編與古名臣碩彥相往復青燈午夜雄誦之聲琅琅出晨析風鈴間是亦近古簿書中所罕覩者也更撫拾遺文參以時政著邑志以垂法守服官八載歷艱辛而無倦臨大事而不懼凡有關於民隱者侃侃然抗論

大府之前必期事定乃已或以利害休之公正色力拒畧不為動間遇羽書嚴務不分霜晨雨夜單騎直往咄嗟立辦生平勤慎勇決鎮靜類如此今

年夏以秩滿遷新興刺史郇抄甫至闔邑人士不
啻赤子之離乳哺呱呱欲泣夫公之德及我平人
溥矣我平人受公之恩亦孔厚矣今一旦舍我而
去留之不可從之不能悠悠我思其曷能既獨可
幸者新興去平不遠藹藹棠蔭此歌勿剪欲咏勿
拜不日陟崇階擁節鉞總我平人隸之宇下是則
我人繫戀之極思也公其必有以慰我俾兒童竹
馬刻日以昭其信乎詩曰樂只君子民之父母又
曰有斐君子不可諠兮公之德應與清溪而長流
平彛縣志

卷之十

藝文

四十

羅山而並峙矣敢覩縷記之以壽貞珉用垂以勿
替云

